



合剝韓柳二公詩序



昌黎文起八代之衰河東與之

頡頏嗣響世所家傳戶頌多屬

其古文辭而於韻語之雄沈古

勁多以文掩甚至為之說曰文

勝于詩嗟呼文固心之精華所

由洩而詩尤文之精華所為毓
秀獻奇鳴天籟而中節奏者也
二公之詩源濬于六經格標乎
三百有靖節之冲澹真率而極
之于幽淡兼漢魏之雄渾蒼鬱
而出之以波瀾震盪益窮文章

之變而協之呂聲偉卓然自成
一家言若埴篔和鳴互相賞識
不待千載而下各得其為子雲
者已蓋嘗譬二公之詩如豫章
之生七年始辨而參天合抱之
棟榦非巖廊大任無所用之如

長江赴海浩日吞天澹茫無際
而轟雷轉石之勢令人心駭目
眩不敢迫眎其材具涵養所從
來大且遠即謂與李杜相伯仲
亦其宜矣歐陽君泰符源本家
學逸才蓋代獨有契于二公之

詩謂其格醜源洪高近兼妙可
稱千古知言且有慨于二公之
詩世無特梓讀其文者或略其
詩至遺于百家彙選之外乃合
而梓之以公同好而與陶韋王
孟元白錢劉共珍于詞壇亦千

古一快事我予內弟王吉脩氏
與秦符彀調相契合因携合刻
之帙屬予題其首簡予方彙集
全唐諸家之詩躬自校閱次第
受梓因嘆秦符之先得我心而
珠玉且先得其照乘連城

者矣不揣陋劣僭為序述其槩
若擴其襟抱以窺二公之堂與
所願與秦符交相懋勗焉爾

賜進士及第中順大夫詹事府
少詹事前右庶子右諭

國史脩撰

正使朝鮮

賜一品服金陵朱之蕃撰



今刻韓柳詩凡例九則

一韓文全集凡古體詩統作七卷凡近體詩統作
 二卷柳文則併曰古今詩二卷編者蓋以時次
 而不以體彙也今一一分體臚列如左以便觀
 者

一二集皆賦居首次樂府次四言古次五言古次
 七言古次長短句次聯句次五言律次七言律
 次五言排律次五言絕句次七言絕句終焉遵
 通例也韓詩輯成十卷柳詩輯成四卷
 一賦本非詩均屬韻語實詩之濫觴也琴操鏡歌

並爲樂府亦詩之一體也因併刻之

一韓有外集有遺文以及詩之散見雜文中者一

一采輯次諸體之末

一盤谷詩不收敘者重序而係以詩非詩之敘也
石鼎聯句收序者重詩而先以敘乃序乎詩也
重輕不同而去取異焉餘倣此

一感春四首前後俱七古而五古一首次其三分
則意不相屬合入長短句因一題也遊城南詩
十六首前後俱七言絕而五絕三首五律一首
間其中合則例不相協拈出注下方非一題也

一書皇甫湜公安園池詩後題云二首舊刻合而
爲一誤也今分我有一池水以下另作一首庶
得其正云

一石鼎聯句本不署昌黎而彌明豈誠鬼物李氏
存而不辨傳疑也近胡氏筆鼓直謂退之脚手
猶毛穎革華遺意是以予竟采入聯句云

一以上五則俱係韓詩義例并詩卷性不多第外
集三賦哀入賦類餘無庸分台搜輯其部署之
整魯魚之嚴二集均無遺力讀者當自得之

韓昌黎詩集目錄

韓昌黎詩集目錄

卷一

賦

感二鳥賦

閔已賦

明水賦

琴操十首

將歸操

龜山操

拘幽操

復志賦

別知賦

倚蘭操

越裳操

岐山操

昌黎詩集目錄

履霜操

雉朝飛操

別鵠操

殘形操

四言古詩

元和聖德詩

剝喙行

谿堂詩

五言古詩

南山詩

謝自然詩

秋懷詩十一首

暮行河堤上

夜歌

幽懷

岐山下二首

卷二

五言古詩

赴江陵途中寄贈王二十補闕李十一拾遺

李二十六員外翰林三學士

重雲一首李觀疾贈之

北極一首贈李觀 江漢一首答孟郊

長安交遊者一首贈孟郊

此日足可惜一首贈張籍

君子法天運 落葉一首送陳羽

歸彭城

醉後

醉贈張秘書

同冠峽

送惠師

送靈師

縣齋有懷

合江亭

陪杜侍御遊湘西寺因獻楊常侍

岳陽樓別竇司直 送文暢師北遊

荅張徹

薦士

喜侯喜至贈張籍張徹

駕驥

出門

烽火

齷齪

卷三

五言古詩

洞庭湖阻風贈張

青青水中蒲三首

孟東野失子

縣齋讀書

新竹

晚菊

落齒

哭楊兵部陸欵州

苦寒

酬崔十六少府

送侯參謀赴河中

東都遇春

酬裴十六功曹

燕河南府秀才

送李翱

送石處士赴河陽幕

送湖南李正字歸

辛卯年雪

招楊之采

送無本師歸范陽

雙鳥詩

題炭谷湫祠堂

送陸暢歸江南

送進士劉師服東歸

嘲魯連子

贈張籍

調張籍

寄皇甫湜

病中贈張十八

雜詩

卷四

五言古詩

寄崔二十六立之 孟生詩

將歸贈孟東野房蜀客

荅孟郊

從仕

送劉師服

符讀書城南

示爽

人日城南登高

病鴟

讀皇甫詩書其後二首

路傍堠

食河曲驛

過南陽

瀧吏

贈別元協律六首

初南食貽元協律

宿曾江口示侄孫湘二首

荅柳柳州食蝦蟇

別趙子

除官赴闕至江州寄鄂岳李大夫

南山有高樹行贈李宗閔

猛虎行

獻山南鄭相公樊員外

和武相公詠孔雀

感春三首

卷五

五言古詩

行香贈盧李二中舍人

晚寄張十八助教周郎博士

題張十八所居

和錢七盆池所植

南內朝賀呈同官

朝歸

雜詩四首

讀東方朔雜事

譴瘧鬼

示兒

庭楸

翫月喜張十八王六至

和李相公攝事

南郊

和裴相公假山

與張十八同效阮步兵

送諸葛覺往隨州讀書

南溪始泛三首

海水

贈崔立之

贈族侄

嘲鼾睡二首

辭唱歌

知音者誠希

送張道士

送鄭十為校理

卷六

七言古詩

天星送楊凝郎中賀正

汴泗交流贈張射僕山石

汴州亂一首 鳴雁

龍移 雉帶箭

贈鄭兵曹 桃源圖

贈唐衢 貞女峽

贈侯喜 古意

八月十五夜贈張功曹

謁衡嶽廟 岫嶺山

永貞行 李花贈張署

杏花 寒食日出遊

憶昨行和張十一 劉生詩

鄭羣贈簞 豐陵行

遊青龍寺贈崔大補闕

贈崔立之 送區弘南歸

陸渾山火和皇甫湜韻

和盧四赤藤杖歌 感春五首

寄盧仝 酬盧四兄院長望秋作

誰氏子

河南令舍池臺

石鼓歌

贈劉師服

盧雲夫寄示送盤谷子詩歌以和之

射訓狐

短燈檠歌

華山女

雪後寄崔二十六

送僧澄觀

酬盧給事曲江荷花

記夢

芍藥歌

畫月

卷七

長短句

古風

五穀

嗟哉董生行

利劍

河之水二首

忽忽

條山蒼

東方半明

感春四首

三星行

醉留東野

李花二首

聽穎師彈琴

月蝕詩效玉川子作

送陸欽州

送李愿歸盤谷

苦寒歌

贈張徐州莫辭酒

卷八

聯句

城南聯句

會合聯句

鬪雞聯句

納涼聯句

秋雨聯句

征蜀聯句

同宿聯句

莎柵聯句

雨中寄孟刑部幾道聯句

遠遊聯句

晚秋郾城夜會聯句

有所思聯句

遣興聯句

贈劍客李園聯句

石鼎聯句

卷九

五言律詩

宿龍宮灘

次同冠峽

郴州祈雨

晚泊江口

木芙蓉

梁國公主挽歌二首

寒食直歸遇雨

送李六歸荆南

題韋氏莊

大行皇太后挽歌三首

閑遊二首

同李二十八夜次襄城

送李員外分司都

獨釣四首

枯樹

燈花

祖席

秋字

次石頭驛寄王中丞

自袁州還京寄周員外

杏園送張侍御

雨中寄張籍侯喜

和張侍御酬馬尚書祗召途中見寄

奉使常山次太原 送嚴桂州

酬馬僕射見寄

和裴相公感恩言志

和僕射相公朝回

贈李河陽

送汴州俱監軍

同竇韋尋劉尊師不遇

潭州泊船

李員外寄紙筆

七言律詩

答張十一功曹

酬胡十二大夫

和庫部盧曹長元日朝回

戲題牡丹

廣宣上人頻見過

和晉公破賊回以詩示幕中賓客

左遷至藍關示姪孫湘

次鄧州

韶州留別張使君

量移袁州酬張州

酒中留上李相公

潮州蒙恩還朝留題層峰驛

賀張秘書得馬

和張員外賜櫻桃詩

五言排律

義魚招張功曹

喜雪獻裴尚書

春雪

春雪

春雪間早梅

早春雪中聞鶯

詠雪贈張籍

酬崔立之詠雪見寄

和崔舍人詠月

精衛銜石填海

送李尚書赴襄陽

和席八

送鄭尚書赴南海

和侯協律詠筍

和杜相公太清宮紀事陳誠上李相公

卷十

五言絕句

和虢州劉使君三堂新題二十一詠

贈同遊

酬馬侍御寄酒

把酒

嘲少年

次峽石

七言絕句

頌楚昭王廟

湘中酬張十一

湘中

題木居士二首

聞梨花發贈劉師命

別盈上人

梨花下贈劉師命

和歸工部送僧約

入關詠馬

題張十一旅舍三詠

峽石西泉

酬王舍人雪中見寄

送侯喜

春雪

百葉桃花

芍藥

盆池五首

賽神

題于賓客莊

晚春

落花

楸樹三首

風折花枝

晚雨

出城

遣興

贈張十八

遊太平公主山莊

晚春

和武相公早春聞鶯

和裴相公東征

過鴻溝

送張侍郎

贈馬侍郎

郾城晚飲

酬別畱後

同李員外從裴相公野宿

過襄城

宿神龜

和李司勳過連昌宮

次潼關先寄張閣老

次潼關上都統

桃林夜賀晉公

元日酬蔡州馬尚書去年元日見寄

答道士寄剗雞

武關西逢配流吐蕃

題臨瀧寺

題秀禪師房

晚次宣城酬張韶

寄張韶州借圖經

過始興江口感懷

西林寺題蕭二舊堂

題廣昌館

寄隨州周員外

早春遊楊尚書林亭

同張員外曲江春遊

奉使鎮州酬裴司空

鎮州路上酬裴司空

夕次壽陽驛

鎮州初歸

早春呈張十八首二

和李相公題蕭家林亭

飲城南古墓上逢中丞過

池上絮

韓昌黎詩集目錄畢

韓昌黎詩集卷之一

明吉郡後學歐陽景編校

賦

感二鳥賦并序

貞元十一年五月戊辰愈東歸癸酉自潼關出息於河之陰時始去京師有不遇時之嘆見行有籠白鳥白鸚鵡而西者號於道曰某土之守音某官使使去聲者進於天子東西行者皆避路莫敢正目焉因竊自悲幸生天下無事時承先人之遺業不識干戈耒耜攻守耕穫之勤讀書著文自七歲至

今凡二十二年其行已不敢有愧於道其閒居思
念前古當今之故亦僅志其一二大者焉選舉于
有司與百十人偕進退曾不得名薦書齒下士於
朝以仰望天子之光明今是鳥也惟以羽毛之異
非有道德智謀承顧問贊教化者乃反得蒙採擢
薦進光耀如此故爲賦以自悼且明夫遭時者雖
小善必達不遭時者累善無所容焉其辭曰

吾何歸乎吾將旣行而後思誠不足以自存苟有食
其從之出國門而東驚觸白日之隆景時返顧以流
涕念西路之羌永過潼關而坐息窺黃流之奔猛感

二鳥之無知方蒙恩而入幸惟進退之殊異增余懷
之耿耿彼中心之何嘉徒外飾焉是逞余生命之溷
阨曾二鳥之不如汨東西與南北恒十年而不居辱
飽食其有數况策名于薦書時所好之爲賢庸有謂
余之非愚昔殷之高宗得良弼于宵寐孰左右者爲
之先信天同而神比及時運之未來或兩求而莫致
雖家到而戶說祇以招尤而速累蓋上天之生余亦
有期于下地盍求配于古人獨怊^{音超}悵于無位惟得
之而不能乃鬼神之所戲幸年歲之未暮庶無羨于
斯類

復志賦

并序

愈既從隴西公平汴州其明年七月有負薪之疾
退休于居作復志賦其辭曰

居悒悒

音

之無解兮獨長思而永嘆

音

豈朝會之不

飽兮寧冬來之不完昔余之既有知兮誠坎軻

而艱難當歲行之未復兮從伯氏以南遷凌大江之驚

波兮過洞庭之漫漫至曲江而乃息兮逾南紀之連

山嗟日月其幾何兮携孤嫠

音

而北旋值中原之有

事兮將就食于江之南始專專于講習兮非古訓爲

無所用其心窺前靈之逸迹兮超孤舉而幽尋既識

路入疾驅兮孰知余力之不任

音

考古人之所佩兮

閱時俗之所服忽忘身之不肖兮謂青紫其可拾自

知者爲明兮故吾之所以爲惑擇吉日余西征兮亦

既造夫京師君之門不可逕而入兮遂從試于有司

惟名利之都府兮羌衆人之所馳競乘時而附勢兮

紛變化其難推全純愚以靖處兮將與彼而異宜欲

奔走以及事兮顧初心而自非朝騁驚乎書林兮夕

翱翔兮藝苑諒却步以圖前兮不浸近而逾遠哀白

日之不與吾謀兮至今十年其猶初豈不登名於一

科兮曾不補其遺餘進既不獲其志願兮追將遁而

昌黎詩 卷一
窮居排國門而東出兮慨余行之舒舒時憑高以廻
顧兮涕泣下之交如戾洛師而悵望兮聊浮游以躊
躇假大龜以視兆兮求幽貞之所廬甘潛伏以老死
兮不顯著其名譽音敷非夫子之洵美兮吾何爲乎浚
之都小人之懷惠兮猶知獻其至愚固余異于牛馬
兮寧止乎飲水而求芻伏門下而默默兮竟歲年以
康娛時乘間以獲進兮顏垂懽而愉愉仰盛德以安
窮兮又何忠之能輸昔余之約吾心兮誰無施而有
獲嫉貪佞之滂濁兮曰吾其旣勞而後食懲此志之
不脩兮愛此言之不可忘情惻悵以自失兮心無歸
之茫茫苟不內得其如斯兮孰與不食而高翔抱關
之阨陋兮有肆志之揚揚伊尹之樂于畎畝兮馬富
貴之能當恐誓言之不固兮斯自訟以成章往者不
可復兮冀來今之可望

閔已賦

余悲不及古之人兮伊時勢而則然獨閔閔其曷已
憑文章以自宣昔顏氏之庶幾在隱約而平寬固括
人之細事夫子乃嗟嘆其賢惡飲食乎陋巷亦足以
頤神而保年有至聖而爲之依歸又何不自得于艱
難曰余昏昏其無類望夫人其已遠行舟楫而不識

昌黎言 卷一
四方涉大水之漫漫勤祖先之所貽勉汲汲于前修
之言雖舉足以蹈道哀與我者為誰眾皆捨而已用
忽自惑其是非下土茫茫其廣大余壹不知其可懷
就水草以休息恒未安而既危久拳拳其何故亦天
命之本宜惟否泰之相極咸一得而一違君子有失
其所小人有所得其時聊固守以靜俟誠不及古之人
今其焉悲

別知賦

余取友於天下將歲行之兩周下何深之不即上何
高之不求紛擾擾其既多成喜能而好脩寧安顯而
獨裕顧阨窮而共愁惟知心之難得斯百一而為收
歲癸未而遷逐侶蟲蛇于海陬遇夫人之來使闕公
館而羅羞索微言于亂志發孤笑于羣憂物何深而
不鏡理何隱而不抽始參差以異序卒爛熳而同流
何此權之不可恃遂駕馬而迴輶山礚礚五交切其相
軋樹蓊蓊居由切其相樛音郎其不止雲浩浩
其常浮知來者之不可以數音朔哀去此而無由倚郭
郭音孚而掩涕空盡日以遲留

明水賦

古者聖人之制祭祀也必主忠敬崇吉蠲不貴其豐

乃或薦之以水不可以黷斯用致之于天其事信美
其義惟玄月實水精故求其本也明為君德因取以
名焉于是命烜音燬氏候清夜或將祀圓丘于玄冬或
將祭方澤于朱夏持鑑而精氣傷射照月而陰靈潛
下視而不見謂合道于希夷挹之則盈方同功于造
化應于有生于無形象未分徒騁離婁之目光華暗
至如還合浦之珠既齊芳于酒醴詎比賤于潢汚明
德惟馨玄功不宰予以表誠潔予以戒荒怠苟失其
道殺牛之祭何為如得其宜明水之薦斯在不引而
自致不行而善至雖辭麴蘖之名實處罇罍之器降
於圓臝殊匪金莖之露出自方諸乍似鮫人之淚將
以贊於陰德配夫陽燧夜寂天清烟消氣明桂華吐
耀兔影騰精聊設監以取水伊不注而能盈霏然而
象的爾而呈始漠漠而霜積漸微微而浪生豈不以
德協于坎同類則感形藏在空氣應則通鶴鳴在陰
之理不謬虎嘯于谷之義可崇足以驗聖賢之無黨
知天地之至公竊比大羹之遺味幸希薦於廟中

琴操十首 并序

將歸操

孔子之趙聞殺鳴犢作

昌黎詩 卷一
秋之水兮其色幽幽我將濟兮不得其由涉其淺兮
石齧我足乘其深兮龍入我舟我濟而悔兮將安歸
尤歸兮歸兮無與石鬪兮無應龍求

猗蘭操

孔子傷不逢時作

蘭之猗猗揚揚其香不採而佩于蘭何傷今天之旋
其曷爲然我行四方以日以年雪霜貿貿音茂薺麥之
茂子如不傷我不爾覲薺麥之有君子之
傷君子之守

龜山操

孔子以季桓子受齊女樂諫不從望龜山而作

龜之氛兮不能雲雨龜之枿牙葛切兮不中梁柱龜之

大兮祗以奄魯知將隳兮哀莫余伍周公有鬼兮嗟
余歸輔

越裳操

周公作

雨之施物以孳我何意於彼爲自周之先其艱其勤
以有疆宇私我後人我祖在上四方在下厥臨孔威
敢戲以侮孰荒于門孰治于田四海旣均越裳是臣
拘幽操

文王姜里作

目窈窈兮其凝其盲耳肅肅兮聽不聞聲朝不日出
今夜不見月與星有知無知今為死為生嗚呼臣罪
當誅今天王聖明

岐山操

周公為太王作

我家于幽自我先公母戊承序敢有不同今狄之人
將土我疆民為我戰誰使死傷彼岐有咀我往獨處
爾莫余追無思我悲

履霜操

尹吉甫子伯奇無罪為後母譖而見逐自傷作

父兮兒寒母兮兒饑兒罪當答逐兒何為兒在中野
以宿以處四無人聲誰與兒語兒寒何衣兒饑何食
兒行于野履霜以足母生眾兒有母憐之獨無母憐
兒寧不悲

雉朝飛操

牧犢子七十無妻見雉雙飛感之而作

雉之飛于朝日羣雌孤雄意氣橫出當東而西當啄
而飛隨飛隨啄羣雌粥粥嗟我雖人曾不如彼雉雞
生身七十年無一妻與妃

別鵠操

商陵穆子娶妻五年無子父母欲其改娶其妻聞之中夜悲嘯穆子感之而作

雄鵠銜枝來雌鵠啄泥歸巢成不生子大義當乖離江漢水之大鵠身鳥之微更無相逢日且可繞樹相隨飛

殘形操

曾子夢見一狸不見其首作

有獸維狸兮我夢得之其身孔明兮而頭不知吉凶何爲兮覺坐而思巫咸上天兮識者其誰

四言古詩

元和聖德詩并序

臣愈頓首再拜言臣伏見皇帝陛下卽位以來誅流姦臣朝廷清明無有欺蔽外斬楊惠琳劉闢以取夏蜀東定青徐積年之叛海內怖駭不敢違越郊天告廟神靈歡喜風雨晦明無不從順太平之期適當今日臣蒙被恩澤日與羣臣序立紫宸殿陛下親望穆穆之光而其職業又在以經籍教導國子誠宜率先作歌詩以稱道盛德不可以辭語淺薄不足以自效爲解輒依古作四言元和聖德

詩一篇凡千有二十四字指事實錄具載明天子
文武神聖以警動百姓耳目傳示無極其詩曰

皇帝卽作物無違拒曰賜而賜曰雨而雨維是元年
有盜在夏欲覆其州以踵近武皇帝曰嘻豈不在我
負鄙爲艱縱則不可出師征之其衆十旅軍其城下
告以福禍腹敗枝披不敢保聚擲首俾音外降旛夜
豎疆外之險莫過蜀土韋臯去鎮劉闢守後血人于
牙不肯吐口開庫啗士曰隨所取汝張汝弓汝鼓汝
鼓汝爲表書求我帥汝事始上聞在列咸怒皇帝曰
然嗟遠士女苟附而安則且付與讀命于庭出節少

府朝發京師夕至其部闢喜謂黨汝振而伍蜀可全

有此不當受萬牛纒

力轉切

炙萬甕行酒以錦纏股以

紅帕首有恒

音

其兇有餌其誘其出穰穰

音穰隊以萬

數遂劫東川遂據城阻皇帝曰嗟其又可許爰命崇
文分卒禁禦有安其驅無暴我野日行三十徐壁其
右闢黨聚謀鹿頭是守崇文奉詔進退規矩戰不貪
殺擒不濫數四方節度整兵頓馬上章請討俟命起
坐皇帝曰嘻無汝煩苦荆并洎梁在國門戶出師三
千各選爾醜四軍齊作殷其如臯或拔其角或脫其
距長驅洋洋無有齟齬音語八月壬午闢棄城走載妻

與妾包裹稚乳是日崇文入處其宇分散逐捕搜原
 剔藪闢窮見窘無地自處俯視大江不見洲渚遂自
 顛倒若杵投臼取之江中枷脰音械手婦女纍纍啼
 哭拜叩來獻闕下以告廟社周示城市咸使觀覩解
 脫纜索夾以砧斧婉婉弱子赤立偃音偃偻音偻牽頭曳
 足先斷腰脊次及其徒體骸撐丑庚切拄冢庚切末乃取
 闢駭汗如寫音揮揮刀紛紜爭刊音膾膾脯優賞將吏扶
 珪綴組帛堆其家槩塞其廄哀憐陣沒廩給孤寡贈
 官封墓周帀宏溥經戰伐地寬免租簿施令酬功急
 疾如火天地中間莫不恒序幽恒青魏東盡海浦南

主徐蔡區外雜虜怛威赧德踧踖蹈舞掉棄兵革私

習簋簠來請來覲十百其耦皇帝曰吁伯父叔舅各

安爾位訓厥眈晦正月元日初見宗祖躬執百禮登

降拜俯薦于新宮視瞻梁梠音梠慼見容色淚落入俎

侍祠之臣助我惻楚乃以上辛於郊用牲除於國南

鱗筍毛簏音巨廬墓周施開揭磊音備砢音可獸盾順允切

騰挈女加切圓壇帖妥天兵四羅旂常婀於可切娜奴可切

駕龍十二魚魚雅雅宵昇於丘奠璧獻尊衆樂驚作

轟脛音灰融冶紫焰嘘呵高靈下墮羣星從坐錯落侈

哆昌者切日君月妃煥赫媿烏果切姬五果切瀆鬼濛鴻嶽

一

祇業音業我音我飫沃羶薌產祥降嘏鳳皇應奏舒翼自

拊赤鱗黃龍透音威陀結糾卿士庶人黃童白叟踴躍

懽呀失喜噎歐烏后切乾清坤夷境落褰舉帝車迴來

日正當午幸丹鳳門大赦天下滌濯剗磳磨滅瑕垢

續功臣嗣拔賢任者孩養無告仁滂施厚皇帝神聖

通達今古聰聰視明一似堯禹生知法式動得理所

天錫皇帝為天下主并包畜養無異細鉅億載萬年

政有違者皇帝儉勤盥濯陶瓦斥遣浮華好此綈紵

勅戒四方侈則有咎天錫皇帝多麥與黍無召水旱

耗于雀鼠億載萬年有富無窶皇帝正直別白善否

擅命而狂既翦既去盡逐羣姦靡有遺侶天錫皇帝

厖臣碩輔博問遐觀以置左右億載萬年無敢余侮

皇帝大孝慈祥悌友怡怡愉愉奉太皇后浹于族親

濡及九有天錫皇帝與天齊壽登茲太平無怠永久

億載萬年為父為母博士臣愈職是訓詁作為歌詩

以配吉甫

剝啄行

剝剝啄啄有客至門我不出應客去而嗔從者語我

子胡為然我不厭客困于語言欲不出納以堙其源

空堂幽幽有積音畏有莞音九門以兩板叢書於間窅窅

音深塹其墉其完彼寧可隳此不可于從者語我嗟
子誠難子雖云爾其口益蕃我爲子謀有萬其全凡
今之人急名與官子不引去與爲波瀾雖不開口雖
不開關變化咀嚼有鬼有神今去不勇其如後艱我
謝再拜汝無復云往追不及來不有年

鄆州谿堂詩

帝奠九壘有葉有年有荒不滌河岱之間及我憲考
一收正之視邦選侯以公來尸公來尸之人始未信
公不飲食以訓以徇孰飢無食孰呻孰嘆孰寃不問
不得分願孰爲邦蝨節根之螟羊很狼貪以口覆城

吹之煦之摩手拊之箴之石之膊音而磔之凡公四
封旣富以彊謂公吾父孰違公令可以師征不寧守
邦公作谿堂播播流水淺有蒲蓮深有蕪葦公以賓
燕其鼓駭駭公燕谿堂賓校醉飽流有跳魚岸有集
鳥旣歌以舞其鼓考考公在谿堂公御琴瑟公暨賓
贊稽經詠律施去聲用不差人用不屈谿有賞毗賓切蒞
音孤有龜有魚公在中流右詩左書無我敦遺此邦是
麻

五言古詩

南山詩

吾聞京城南茲維羣山圍東西兩際海巨細難悉究
 山經及地志茫昧非受授團辭試提挈挂一念萬漏
 欲休諒不能粗敘所經觀嘗昇崇丘望戢戢見相湊
 晴明出稜角縷脉碎分繡蒸嵐相瀕洞表裏忽通透
 無風自飄簸融液煦柔茂橫雲時平凝點點露數岫
 天空浮脩眉濃綠畫新就孤撐有巉絕海浴寒鵬嚼
 書音春陽潛沮洳音如濯濯吐深秀巖巒雖律音萃昨茂切
 輒弱類含耐音宙夏炎百木盛蔭鬱增埋覆神靈日歆
 枵音歛雲氣爭結構秋霜喜刻輓音曆磔音窄卓立癯瘦參
 差相疊重剛耿陵宇宙冬行雖幽墨冰雪工琢鏤新

曠照危峩億丈恒高表莫候切明昏無停態頃刻異狀

候西南雄太白突起莫間造初救切藩都配德運分宅

占丁戊音逍遙越坤位詆訐陷乾竇空虛寒兢兢風

氣較搜漱朱維方燒日陰霰縱騰糅如救切昆明大池

北去覲偶晴晝綿聯窮俯視倒側困清漚微瀾動水

面踴躍躁揉奴刀切狄音驚呼惜破碎仰喜呀不仆前

尋徑杜墅空蒲悶切蔽畢原陋崎嶇上軒昂始得觀覽

富敷救切行行將遂窮嶺陸煩互走去聲勃然思坼裂擁

掩難恕宥巨靈與夸蛾遠賈音期必售還疑造物意

固護蓄精祐力雖能排幹雷電怯呵詬攀緣脫手足

蹭蹬抵積弊音茫如試矯首音塌音塞生恂音冠音愁音威容

喪蕭爽近新迷遠舊拘官計日月欲進不可又因緣

窺其湫凝湛閔陰罟音魚鰕可俯掇神物安敢冠音林

柯有脫葉欲墮鳥驚救爭術彎環飛投棄急哺音殼音

旋歸道廻睨達枿壯復奏吁嗟信奇怪峙質能化質

前年遭譴謫探歷得邂逅初從藍田入顧眄勞頸脰

時天晦大雪淚日苦朦瞶音峻塗拖長冰直上若懸

溜褰衣步推馬顛蹶退且復蒼黃忘遐晷所矚纔左

右衫篋音咤音蒲蘇杲耀攢介冑專心德平道脫險逾

避臭昨來逢清霽宿願忻始副崢音嶸音躋音冢頂倏

以雜音鼙音又前低劃音開闊爛熳堆衆皴或連若

相從或蹙若相鬪或妥若弭伏或竦若驚離或散若

瓦解或赴若輻湊或翩若船遊或決若馬驟或背若

相惡或向若相佑或亂若抽筭或噴音若注灸或錯

若繪畫或繚若篆籀音或羅若星離音或若雲屯音

或浮若波濤或碎若鋤耨或如賁育倫賭勝勇前購

先強勢已出後鈍噴音詎音譎音或如帝王尊叢集朝

賤幼雖親不褻狎雖遠不悖謬或如臨食案肴核紛

釘音定音餽音又如遊九原墳墓包槨柩或纍若盆嬰

或揭若瓊豆或覆若曝龜或頽若寢獸或蜿若藏龍

或翼若搏鷲音或齊若友朋或隨若先後或迸若流
落或顧若宿蘭音或處若仇讐或密若婚媾或儼若
峨冠或翻若舞袖或屹若戰陣或圍若鬼狩或靡然
東注或偃然北首音或如火熺熺音或若氣饋音
或行而不輟或遺而不收音或斜而不倚或弛而不
毅或赤若禿鬣音或煉若柴樵音或如龜拆兆或
若封分繇音或前橫若刺或後斷若姑延音離又屬
夫夫叛還邁喁喁音魚鱗音洋洋落落月經宿閭閭樹
墻垣巘巘架庫廐參參削削戰煥煥街瑩瑩音敷敷
花披萼闌闌音屋摧雷悠悠舒而安兀兀狂以狃音女

超超出猶奔蠢蠢駭不懋大哉立天地經紀肖營
腠厥初孰開張僂僂誰勸侑創茲朴而巧戮力必勞
疚得非施斧斤無乃假詛呪鴻荒竟無傳功大莫酬
儻嘗聞于祠官芬苾降歆嗅斐然作歌詩惟用贊報
醕音
又

謝自然詩

果州南充縣寒女謝自然童駿無所識但聞有神仙
輕生學其術乃在金泉山繁華榮慕絕父母慈愛捐
疑心感魑魅恍惚難具言一朝坐空室雲霧生其間
如聆笙竽韻來自冥冥天白日變幽晦蕭蕭風景寒

簷楹整明滅五色光屬聯觀者徒傾駭躑躅詎敢前
須臾自輕舉飄若風中煙茫茫八紘大影響無由緣
里胥上其事郡守驚且歎平聲驅車領官吏昨俗爭相
先入門無所見冠履同蛻蟬皆云神仙事灼灼信可
傳余聞古夏后象物知神姦山林民可入魍魎莫逢
旃透迤不復振後世恣欺謾幽明紛雜亂人鬼更相
殘秦皇雖篤好漢武洪其源自從二主來此禍竟連
連木石生怪變狐狸騁妖患平聲莫能盡性命安得更
長延人生處萬類知識最爲賢奈何不自信反欲從
物遷往者不可悔孤魂抱深冤來者猶可誠余言豈
空文人生有常理男女各有倫寒衣及饑食在紡績
耕耘下以保子孫上以奉君親苟異於此道皆爲棄
其身噫乎彼寒女永託異物羣感傷遂成詩昧者宜
書紳

秋懷詩十一首

窻前兩好樹衆葉光蕤蕤音擬秋風一披拂策策鳴不
已微燈照空牀夜半偏入耳愁憂無端來感嘆成坐
起天明視顏色與故不相似羲和驅日月疾急不可
恃浮生雖多塗趨死惟一軌胡爲浪自苦得酒且懽
喜

白露下百草蕭蘭共雕悴青青四牆下已復生滿地
寒蟬暫寂寞蟋蟀鳴自恣運行無窮期稟受氣苦異
適時各得所松柏不必貴

彼時何卒卒

蒼沒切

我志何曼曼

萬音

犀首空好飲蔗頗

尚能飯學堂日無事驅馬適所願茫茫出門路欲去
聊自勸歸還閱書史文字浩千萬陳跡竟誰尋賤嗜
非資獻丈夫意有在女子乃多怨

秋氣日惻惻秋空日凌凌上無枝上

蝟

音調

下無盤中

蠅豈不感時節耳目去所憎清曉卷書坐南山見高
稜其下澄秋水有蛟寒可習惜哉不得往豈謂吾無

能

離離掛空悲悵悵抱虛警露泫秋樹高蟲弔寒夜永
歛退就新懦趨營悼前猛歸愚識夷塗汲古得脩綆
名浮猶有恥味薄真自幸庶幾遺悔尤卽此是幽屏

并音

今晨不成起端坐盡日景蟲鳴室幽幽月吐窻罔罔
喪懷若迷方浮念劇含梗塵埃慵伺候文字浪馳騁
尚須勉其頑王事有朝請

秋夜不可晨秋日苦易暗我無汲汲志何以有此憾
寒雞空在棲缺月煩屢輟有琴具徽絃再鼓聽愈淡

古聲久埋滅無由見真濫低心逐時趨苦勉祇能暫
有如乘風船一縱不可纜不如覩文字丹鉛事點勘
豈必求贏餘所要石與甌

卷卷落地葉隨風走前軒鳴轂若有意顛倒相追奔
空堂黃昏暮我坐默不言童子自外至吹燈當我前
問我我不應饋我我不餐追坐西壁下讀書盡數編
作者非今士相去時已千其言有感觸使我復悽酸
顧謂汝童子置書且安眠丈夫屬有念事業無窮年

韻古

霜風侵梧桐眾葉著樹乾空階一片下瑤若摧琅玕

謂是夜氣滅望舒實

音韻

其團青冥無依倚飛轍危難

安驚起出戶視倚楹久沈

音韻

瀾憂愁費晷景日月如

跳丸迷復不計遠爲君駐塵鞍

暮暗來客去羣囂各收聲悠悠偃宵寂疊疊

明世累忽進慮外憂遂侵誠強懷張不消弱念缺已

盈詰屈避語穿冥茫觸心兵敗虞千金棄得比寸草

榮知耻足爲勇晏然誰汝令

鮮鮮霜中菊旣晚何用好揚揚弄芳蝶爾生還不早
運窮兩值遇婉變歿相保西風螫龍蛇衆木日凋槁
由來命分爾泯滅豈足道

暮行河堤上

暮行河堤上四顧不見人
衰草際黃雲感嘆愁我神
夜歸孤舟臥展轉空及晨
謀計竟何就嗟嗟世與身
夜歌
靜夜有清光聞堂仍獨息
念身幸無恨志氣方自得
樂哉何所憂所憂非我力

幽懷

幽懷不能寫行此春江潯
適與佳節會士女競光陰
凝妝耀洲渚繁吹蕩人心
聞關林中鳥亦知和爲音
豈無一罇酒自酌還自吟
但悲時易失四序迭相侵
我歌君子行視古猶視今

岐山下二首

誰謂我有耳不聞鳳皇鳴
揭來岐山下日暮邊鴻驚

二

丹穴五色羽其名爲鳳皇
昔周有盛德此鳥鳴高岡
和聲隨祥風窅窕相飄揚
聞者亦何事但知時俗
自從公旦歿千載閱其光
吾君亦勤理遲音爾一來
翔

韓昌黎詩集卷之二

明吉郡後學歐陽景編校

五言古詩

赴江陵途中寄贈王二十補闕李十一拾遺李

二十六員外翰林三學士

孤臣昔放逐血泣追愆尤汗漫不省識音恍如乘桴

浮或自疑上疏上疏豈其由是年京師旱田畝少所

收上憐民無食征賦半已休有司恤經費未免煩徵

求富者既云急貧者固已流傳聞閭里間赤子棄渠

溝持男易斗粟掉臂莫肯酬我時出衢路餓者何其

稱親逐道邊死佇立久呶嗷歸舍不能食有如魚中
鉤適會除御史誠當得言秋拜疏移閣門為忠寧自
謀上陳人疾苦無令絕其喉下陳畿甸內根本理宜
優積雪驗豐熟幸寬待蠶麤天子惻然感司空嘆綢
繆謂言即施設乃反遷炎州同官盡才俊偏善柳與
劉或慮語言洩傳之落冤讐二子不宜爾將疑斷還
不中使臨門遣頃刻不得留病妹臥床褥分知隔明
幽悲啼乞就別百請不領頭弱妻抱稚子出拜忘慚
羞僂俛不廻顧行行詣連州朝為青雲士暮作白頭
囚商山季冬月冰凍絕行輟春風洞庭浪出沒驚孤

舟逾嶺到所任低顏奉君侯酸寒何足道隨事生瘡

疢遠地觸途異吏民似猿猴生瘴尼耕切多忿狠辭舌

紛嘲啁白日屋簷下雙鳴鬪鷓鴣有蛇類兩首有蠱

羣飛游窮冬或搖扇盛夏或重裘具音起最可畏訶

潛音轟窳音切十家無一疹猜嫌動置毒對案輒懷愁前日遇

恩赦私心喜還憂果然又羈繫不得歸耨耰此府雄

且大騰凌盡戈矛棲棲法曹椽何處事卑陬生平企

仁義所學皆孔周早知大理官不列三后儔何況親

狎音岸獄敲榜音彭發姦偷懸知失事勢恐自罹音罝罝音浮

湘水清且急涼風日脩脩胡爲首歸路旅泊尚夷猶
昨者京使至嗣皇傳冕旒赫然下明詔首罪誅共咬
古復聞顛天輩峨冠進瀉疇班行再肅穆璜珮鳴
字琅璆音佇繼貞觀烈邊封脫音玆音三賢推侍從卓
犖傾枚鄒高議參造化清文煥皇猷協心輔齊聖致
理同毛輜小雅詠鹿鳴食苹貴啣啣遺風邈不嗣豈
憶嘗同禍矢志早衰換前期擬蟬蛸自從牙齒缺始
慕舌爲柔因疾鼻又塞漸能等薰蕕深思罷官去畢
命依松楸空懷馬能果但見歲已道殷湯閔禽獸解
網祝蛛蝥雷煥掘寶劍冤氛銷斗牛茲道誠可尚誰
能借前籌殷勤謝吾友明月非暗投

江漢一首荅孟郊

江漢雖云廣乘舟渡無艱流沙信難行馬足常往還
淒風結衝波狐裘能禦寒終宵處幽室華燭光爛爛
苟能行忠信可以居夷蠻嗟余與夫子此義每所敦
何爲復見贈繾綣在不諼

長安交遊者一首贈孟郊

長安交遊者貧富各有徒親朋相過時亦各有以娛
陋室有文史高門有笙竽何能辨榮悴且欲分賢愚
重雲一首李觀疾贈之

昌黎先生集卷二
天行失其度陰氣來干陽重雲閉白日炎燠成寒涼
小人但咨怨君子惟憂傷飲食爲減少身體豈寧康
此志誠足貴懼非職所當藜羹尚如此肉食安可嘗
窮冬下
分芳且况天地間大運自有常
勸君善飲食鸞鳳本高翔

北極一首贈李觀

北極有羈羽南溟有沈鱗川源浩浩隔影響兩無因
雲一朝會變化成一身誰言道里遠感激疾如神
我年二十五求友昧其人哀歌西京市乃與夫子親
所尚苟同趨賢愚豈異倫方爲金石姿萬世無緇磷
無爲兒女態憔悴悲賤貧

此日足可惜一首贈張籍

此日足可惜此酒不足嘗捨酒去相語共分一日光
念昔未知子孟君自南方自矜有所得言子有文章
我名屬相府欲往不得行思之不可見百端在中腸
維時月魄死冬日朝在房驅馳公事追聞子適及城
命車載之至引坐于中堂開懷聽其說往往副所望
孔丘歿已遠仁義路久荒紛紛百家起詭怪相披猖
長老守所聞後生習爲常少知誠難得純粹古已亡
譬彼植園木有根易爲長留之不遣去館置城西旁

歲時未云幾浩浩觀湖江衆夫指之笑謂我知不明
 兒童畏雷電魚鼈驚夜光州家舉進士選試繆所當
 馳辭對我策章句何焯焯相公朝服立工席歌鹿鳴
 禮終樂亦闋相拜送於庭之子去須臾赫赫流盛名
 竊喜復竊嘆諒知有所成人事安可恒奄忽令我傷
 聞子高第日正從相公喪哀情逢吉語音尚恍音切許助
 難爲雙暮宿偃師西徒展轉在牀夜聞汴州亂遶壁
 行徬徨我時留妻子倉卒不及將相見不復期零落
 甘所丁騎兒未絕乳念之不能忘忽如在我所耳若
 聞啼聲中途安得返一日不可更俄有東來說我家

免罹殃乘船下汴水東去趨彭城從喪朝至洛還走
 不及停假道經盟津出入行澗岡日西入軍門羸馬
 顛且僵主人願少留延入陳壺觴卑賤不敢辭忽忽
 心如狂飲食豈知味絲竹徒轟轟平明脫身去决若
 驚鳧翔黃昏次汜音似水欲過無舟航號呼久乃至夜
 濟十里黃中流上灘渾音但沙水不可詳驚波暗合沓
 星宿爭翻芒轅馬蹢躅鳴左右泣僕童甲午憇時門
 臨泉窺鬪龍東南出陳許陂澤平茫茫道邊草木花
 紅紫相低昂百里不逢人角角雉鳴行行二月暮
 乃及徐南疆下馬步隄岸上船拜吾兄誰云經艱難

昌黎詩 卷二
百口無天殤僕射南陽公宅我睢水陽篋中有餘衣
盎中有餘糧閉門讀書史窻戶忽已涼日念子來遊
子豈知我情別離未爲久辛苦多所經對食每不飽
共言無倦聽連延三十日晨坐達五更我友二三子
宦遊在西京東野窺禹穴李翱觀濤江蕭條千萬里
會合安可逢淮之水舒舒楚山直叢叢子又捨我去
我懷烏所窮男兒不再壯百歲如風狂高爵尚可求
無爲守一鄉

君子法天運

君子法天運四時可前知小人惟所遇寒暑不可期

利害有常勢取捨無定姿焉能使我心皎皎遠憂疑
落葉一首送陳羽

落葉不更息斷蓬無復歸飄飄終自異邂逅暫相依
悄悄深夜語悠悠寒月輝誰云少年別流淚各霑衣
歸彭城

天下兵又動太平竟何時訐謨者誰子無乃失所宜
前年關中旱閭井多死飢去歲東郡水生民爲流屍
上天不虛應禍福各有隨我欲進短策無由至彤墀
剗肝以爲紙瀝血以書辭上言陳堯舜下言引龍夔
言詞多感激文字少葳蕤一讀已自恠再尋良自疑

昌黎詩 卷二 六
食芹雖云美獻御固已瘕絨封在骨髓耿耿空自奇
昨者到京城屢陪高車馳周行多俊異議論無瑕疵
見待頗異禮未能去毛皮到口不敢吐徐徐俟其噉
歸來戎馬間驚顧似羈雌連日或不語終朝見相欺
乘閒輒騎馬茫茫詣空陂遇酒卽酪酏君知我爲誰

醉後

煌煌東方星奈此衆客醉初喧或忿爭中靜雜嘲戲
淋漓身上衣顛倒筆下字人生如此少酒賤且勤置

醉贈張祕書

人皆勸我酒我若耳不聞今日到君家呼酒持勸君

爲此座上客及余各能文君詩多態度藹藹春空雲
東野動驚俗天葩吐奇芬張籍學古淡軒鶴避雞羣
阿買不識字頗知書八分詩成使之寫亦足張吾軍
所以欲得酒爲文俟其醺酒味旣冷冽酒氣又氤氳
性情漸浩浩諧笑方云云此誠得酒意餘外徒繽紛
長安衆富兒盤饌羅羶葷不解文字飲惟能醉紅裙
雖得一餉樂有如聚飛蚊今我及數子固無舊與薰
險語破鬼膽高詞媿皇墳至寶不雕琢神功謝鋤耘
方今向太平元凱承華勛吾徒幸無事庶以窮朝曛
同冠峽

昌黎詩 卷二
南方二月半春物亦已少維舟山水間晨坐聽白鳥
宿雲尚含姿朝日忽升曉羈旅感和鳴囚拘念輕矯
灑淚久迸詰曲思增繞行矣且無然蓋棺事乃了

送惠師

惠師浮屠者乃是不羈人十五愛山水超然謝朋親
脫冠剪頭髮飛步遺踪塵發跡入四明梯空上秋旻
遂登天台望衆壑皆嶙峋夜宿最高頂舉頭看星辰
光芒相照燭南北爭羅陳茲地絕翔走自然巖且神
微風吹木石澎湃聞韶鈞夜半起下視溟波衝日輪
魚龍驚踊躍叫嘯成悲辛怪氣或紫赤敲磨共輪囷

金鷄旣騰翥六合俄清新常聞禹穴奇東去窺甌閩
越俗不好古流傳失其真幽蹤邈難得聖路嗟長堙
迴臨浙江濤屹起高峨岷壯志歿不息千年如隔晨
是非竟何有棄去非吾倫凌江詣廬嶽浩蕩極遊巡
崔嵬沒雲表陂陀浸湖淪是時雨初霽懸瀑垂天紳
前年往浮步憂南海濬音唇大哉陽德盛榮茂恒畱
春鵬騫墮音翻鯨戲側修鱗自來連州寺曾未造城
闔音日攜青雲客探勝窮嵯濱太守邀不去羣官請
徒頻囊無一金資翻謂富者貧昨日忽不見我令訪
其隣奔波自追及把手問所因顧我却興嘆君寧異

於民離合自古然辭別安足珍吾聞九疑好夙志今
欲伸斑竹啼舜婦清湘沈楚臣衡山與洞庭此固道
所循尋崧方抵洛歷華遂之秦浮游靡定處偶往卽
通津吾言子當去子道非吾遵江魚不池活野鳥難
籠馴吾非西方教憐子狂且醇吾嫉惰遊者憐子愚
且醇去矣各異趣何爲浪霑巾

送靈師

佛法入中國爾來六百年齊民逃賦役高士著幽禪
官吏不之制紛紛聽其然耕桑日失隸朝署時遺賢
靈師皇甫姓胤胄本蟬聯少小涉書史早能綴文篇

中間不得意失跡成遷延志不拘教軒騰斷牽攀
圍碁鬪白黑生歿隨機權六博在一擲臬盧叱廻旋
戰詩誰與敵浩汗橫戈鋌飲酒盡百觥嘲諧思逾鮮
有時醉花月高唱清且絲四座咸寂默杳如奏湘絃
尋勝不憚險黔江屢洄沿瞿塘五六月驚電讓歸船
怒水忽中裂千尋墮幽泉珠廻勢益急仰見團團天
投身豈得計性命甘徒捐浪沫蹙翻涌漂浮再生全
同行二十人竟骨俱坑填靈師不掛懷冒涉道轉延
開忠二州牧詩賦時多傳失職不把筆珠璣爲君編
強留費日月密席羅嬋娟昨者至林邑使君數開筵

逐客三四公盈懷贈蘭荃湖游泛漭沆溪宴駐潯溪
 別語不許出行裾動遭牽鄰州競招請書札何翩翩
 十月下桂嶺乘寒恣窺緣落落王員外爭迎獲其先
 自從入賓館占恹久能專吾徒頗携被接宿窮歡妍
 聽說兩京事分明皆眼前縱橫雜謠俗瑣屑咸羅穿
 材調真可惜不丹在磨研方將斂之道且欲冠其顛
 韶陽李太守高陵雲煙得客輒忘食開囊乞繒錢
 手持南曹敘字重青瑤鑄古氣參豸繫高標摧太玄
 維舟事干謁披讀頭風痊還如舊相識傾壺暢幽悵
 以此復留滯歸驂幾時鞭

縣齋有懷

少小尚奇偉平生足悲吒

陟駕切

猶嫌子夏儒肯學樊

遲稼事業窺臯稷文章茂曹謝濯纓起江湖綴珮雜
 蘭麝悠悠指長道去去策高駕誰為傾國媒自許連
 城價初隨計吏貢屢入澤宮射雖免十上勞何能一
 戰霸人情忌殊異世路多權詐蹉跎顏遂低摧折箭
 愈下冶長信非罪侯生或遭罵懷書出皇都銜淚渡
 清灞身將老寂寞志欲死閑暇朝食不盈腸冬衣纔
 掩骼枯駕切軍書既頻召戎馬乃連跨大梁從相公彭
 城赴僕射弓箭圍狐兔絲竹羅酒肉兩府變荒涼三

年就休假求官去東洛犯雪過西華塵埃紫陌春風
雨靈臺夜名聲荷朋友援引乏姻婭雖陪彤庭臣詎
縱青冥音霸寒空聳危闕曉色曜脩架捐軀辰在下
鍛黯翮時方褚音錯投荒誠職分領邑幸寬赦湖波翻
日車嶺石坼天罅毒霧恒熏書災風每燒夏雷威固
已加颶勢仍相借氣象杳難測聲音吁可怕夷言聽
未慣越俗循猶乍指摘兩憎嫌睚眦互猜訝祗緣恩
未報豈謂生足藉嗣皇新繼明率土日流化惟思滌
瑕垢長去事桑柘斷嵩開雲扃壓頽抗風榭禾麥種
滿地梨棗栽繞舍兒童稍長成雀鼠得驅嚇音轄官租

日輸納村酒時邀迂閑愛老農愚歸弄小女姪涉駕切
如今便可爾何用畢婚嫁

合江亭

紅亭枕湘江蒸木會其左取臨眇空濶綠淨不可唾
維昔經營初邦君實王佐翦林遷神祠買地費家貨
梁棟宏可愛結構麗匪過伊人去軒騰茲宇遂頽挫
老郎來何暮高唱久乃和對蘭盈九畹音宛栽竹逾萬
个長綆汲滄浪幽蹊下坎坳波濤夜俯聽雲樹朝對
臥初如遺宦情終乃最郡課人生誠無幾事往悲豈
柰黯蕭條縣歲時契濶繼庸懦勝事誑復論醜聲日

已播中丞黜凶邪天子閔窮餓君侯至之初閭里自
相賀淹滯樂閑曠勤苦勸慵惰為余掃塵階命樂醉
衆座窮秋感平分新月憐半破願書巖上石勿使泥
塵浣音

陪社侍御遊湘西兩寺獨宿有題一首因獻楊

常侍

長沙千里平勝地猶在險况當江闊處斗起勢匪漸
深林高玲瓏青山上琬琰路窮臺殿闢佛事煥且儼
剖竹走泉源開廊架崖音儼是時秋之殘暑氣尚未
歛羣行忘後先明息棄拘檢客堂喜空涼華榻有清

簞澗蔬煮蒿片水果剝菱芡音伊余夙所慕陪賞亦

云忝幸逢車馬歸獨宿門不掩山樓黑無月漁火燦

星點夜風一何喧杉檜屢磨颭音猶疑在波濤怵

惕夢成屢靜思屈原沈遠憶賈誼貶椒蘭爭妬忌絳

灌共讒諂誰令悲生腸坐使淚盈臉翻飛乏羽翼指

摘困瑕玷珥音貂瀆縹緲重政化類分陝禮賢道何優

奉已事苦儉大厦棟方隆巨川橫行剡經營誠少暇

遊宴固已歛旅程愧淹留徂歲嗟存苒平生每多感

柔翰遇頻染展轉嶺猿鳴曙燈青耿耿音

岳陽樓別竇司直

洞庭九州間厥大誰與讓南匯羣嶺水北注何奔放
 渚為七百里吞納各殊狀自古澄不清環混無歸向
 炎風日搜攪幽怪多冗長韞軒然大波起宇宙隘而
 妨音諳巍峩拔高華騰蹕較健壯聲音一何宏轟鳴音
 車萬兩猶疑帝軒轅張樂就空曠蛟螭露筍簾縞練
 吹組帳鬼神非人世節奏頗跌踣音陽施見誇麗陰
 閉感悽愴朝過宜春口極北缺堤障夜纜巴陵洲叢
 芮纔可倚星河盡涸冰俯仰迷下上餘瀾怒不已喧
 聒鳴鑿益明登岳陽樓極煥朝月亮飛廉戢其威清
 晏息音纖縠泓澄湛凝綠物影巧相况江豚時出戲驚

波忽蕩瀆時當夏之孟隙竅縮寒漲前臨指近岸側
 坐眇難望滌濯神魂醒幽懷舒以暢主人孩童舊握
 手乍忻悵憐我窳逐歸相見得無恙開筵交履烏爛
 熲倒家釀杯行無留停高柱送清唱中盤進橙栗投
 擲傾脯醬懼窮悲心生婉變不能忘音念昔始讀書
 志欲干霸王屠龍破千金為藝亦云亢愛才不擇行
 觸事得讒謗前年出官由此禍最無安公卿採虛名
 擢拜識天仗奸猜畏彈射斥逐恣欺誑新恩移府庭
 逼側廁諸將干嗟苦鶩緩但恐失宜當追思南渡時
 魚腹甘所葬嚴程迫風帆雙箭入高浪顛沈在須臾

忠鯁誰復諒生還真可喜尅已自懲創庶從今日後
粗識得與喪事多改前好趣有獲新尚誓畊十畝田
不取萬乘相細君知蠶織稚子已能餉行當掛其冠
生死君一訪

送文暢師北遊

昔在四門館晨有僧來謁自言本吳人少小學城闕
已窮佛根源粗識事輓軌攣拘屈吾真戒轄思遠發
薦紳秉筆徒聲譽耀前閤從求送行詩屢造忍顛蹶
今成十餘卷浩汗羅斧紀先生閱窮巷未得窺剗剗音
剗又聞識大道何路補剗剗出其囊中文滿聽實

清越謂僧當少安草序頗排訐上論古之初所以施

賞罰下開迷惑胸窅音豁劓株檠音僧時不聽瑩若

飲水救渴音風塵一出門時日多如髮三年窳荒嶺

守縣坐深樾音徵租聚異物詭製恒巾鞞幽窮共誰

語思想甚含噦於月切昨來得京官照壁喜見蝎音况

逢舊親識無不比鷄音歷音長安多門戶弔慶少休

歇而能勤來過重惠安可揭當今聖政初恩澤完猘

許出切狝許月切胡爲不自暇飄戾逐鷗其月切僕射領

北門威德壓胡羯相公鎮幽都竹帛爛勳伐酒場舞

閨姝獵騎圍邊月開張篋中寶自可得津筏從茲富

裘馬寧復茹藜蕨余期報恩後謝病老耕壑音代死身
指蓬茅逞志縱獫力驗切獨僧還相訪來山藥煮可掘

答張徹

辱贈不知報我歌爾其聆首敘始識面次言後分形
道途綿萬里日月垂十齡浚郊避兵亂睢岍連門停
肝膽一古劍波濤兩浮萍漬墨竄舊史磨丹注前經
義死手祕寶文堂耳驚霆暄晨躡露鳥暑夕眠風櫺
結友子讓抗請師我慚丁初味猶噉蔗遂通斯建瓴
按奇日有富嗜善心無寧石梁平佺佺音挺沙水光泠
泠乘枯摘野豔沈細抽潛腥遊寺去陟巘尋徑返穿

汀緣雲竹竦竦失路麻冥冥滹潦忽翻野平蕪渺開
溟防泄塹夜塞懼衝城書檣及去事戎轡相逢宴軍
伶觥秋縱兀兀獵旦馳駟音駟從賦始分手朝京
忽同齡音零急時促暗棹戀月留虛亭畢事驅傳馬安
居守窓螢梅花灞水別宮燭驪山醒省選逮投足鄉
賓尚摧翎塵袂又一摻所減切淚背音責還雙熒洛邑得
休告華山窮絕陁音陁倚岩睨海浪引袖拂天星日駕
此廻轄金神所司刑泉紳拖脩白石劍攢高青磴蘚
澁音澁拳跼音局梯飈飈伶俜悔狂已咋音責指垂誠仍鐫
銘我豸忝備列伏蒲愧分涇微誠慕橫草瓊力摧撞

昌黎詩 卷二 十五
筵音延疊雪走商嶺飛波航洞庭下險疑墮井守官類
拘囹荒餐茹獠音老蠱幽夢感湘靈刺史肅著蔡吏人
沸蝗螟點綴簿上字趨蹌閣前鈴賴其飽山水得以
娛瞻聽紫紉雕斐音尾疊碧流滴瓏玲映波鋪遠錦揮
地列長屏愁狄除救切酸骨灰恠花醉魂馨潛苞絳實
坼幽乳翠毛零赦行五百里月變三十莫漸階羣振
鷺入學誨螟蛉莘甘謝鳴鹿疊滿慚罄餅罔罔抱瑚
璉飛飛聯鶴鴿魚鬣欲脫背虬光先照硯豈獨出醜
類方當動朝廷勤來得晤語勿憚宿寒廳

薦士

周詩三百篇雅麗理訓誥曾經聖人手議論安敢到
五言出漢時蘇李首更號東都漸瀾漫派別百川導
建安能者七卓犖變風操逶迤抵晉宋氣象日凋耗
中間數鮑謝比近最清奧齊梁及陳隋衆作等蟬噪
搜春摘花卉泔音囊蕩剽盜國朝盛文章子昂始高蹈
勃興得李杜萬類因陵暴後來相繼生亦各臻闔奧
有窮者孟郊受材實雄音駘駘冥觀洞古今象外逐幽
好橫空盤硬語妥帖力排鼻敷柔肆紆餘奮猛卷海
潦榮華肖天秀捷疾逾響報行身踐規矩甘辱恥媚
寵孟軻分邪正眸子看瞭眊杳然粹而清可以鎮浮

躁酸寒溧陽尉五十幾何毫孜孜營甘旨辛苦久所
冒俗流知者誰指注競嘲傲聖皇索遺逸髦士日登
造廟堂有賢相愛遇均覆燾况承歸與張二公迭嗟
悼青冥送吹噓強箭射曾縞胡為久無成使以歸期
告霜風破佳菊嘉節迫吹帽念將決馬去感物增戀
嫪廬到切彼微水中苻尚煩左右音曾侯國三小廟
鼎猶納部幸當擇珉玉寧有棄珪瑁悠悠我之思擾
擾風中蠹音上言愧無路日夜惟心禱鶴翎不天生
變化在啄菹薄報切通波非難圖尺地易可漕善善不
汲汲後時徒悔懊救死具八珍不如一簞犒微詩公

勿謂愷悌神所勞

喜侯喜至贈張籍張徹

昔我在南時數君長在念摇摇不可止諷詠日喁音

唼音如以膏濯衣每漬垢逾染又如心中疾箴石非

所砭波驗切常思得遊處至死無倦厭地遐物奇怪水

鏡涵石劍荒花窮漫亂幽獸工騰閃礙目不忍窺忽

忽坐昏墊逢神多所祝豈忘靈卽驗依依夢歸路歷

歷想行店今者誠自幸所懷無一欠孟生去雖索侯

氏來還歎欹眠聽新詩屋角月豔豔雜作承聞騁交

驚舌牙他念切續紛指瑕疵拒捍阻城塹以余經摧

挫固請發鈔槩居然妄推讓見謂藝天談比踈語徒
妍悚息不敢占呼奴具盤餐釘音餽豆音魚菜贍人生
但如此朱紫安足僭

駑驥

駑駘誠齷齪市者何其稠力小苦易制價微良易酬
渴飲一斗水饑食一束芻嘶鳴當大路志氣若有餘
騏驥生絕域自矜無匹儔牽驅入市門行者不爲留
借問價幾何黃金比嵩丘借問行幾何咫尺視九州
饑食玉山禾渴飲醴泉流問誰能爲御曠世不可求
惟昔穆天子乘之極遐遊王良執其轡造父挾其鞵

因言天外事茫忽使人愁駑駘謂騏驥餓歎余爾羞
有能必見用有德必見收孰云時與命通塞皆自由
騏驥不敢言低徊但垂頭人皆劣騏驥共以駑駘優
喟余獨興嘆才命不同謀寄詩同心子爲我商聲謳

出門

長安百萬家出門無所之豈敢尚幽獨與世實參差
古人雖已歿書上有其辭開卷讀且想千載若相期
出門各有道我道方未夷且於此中息天命不吾欺

烽火

登高望烽火誰謂塞塵飛王城富且樂曷不事光輝

昌黎詩 卷二
勿言日已暮相見恐行稀願君熟念此秉燭夜中歸
我歌寧自感乃獨淚霑衣

齟齬

齟齬當世士所憂在饑寒但見賤者悲不聞貴者歎
音大賢事業異遠抱非俗觀報國心皎潔念時涕洟
瀾妖姬坐左右柔指發哀彈酒肴雖日陳感激寧爲
歡秋陰欺白日泥潦不少乾河隄決東郡老弱隨驚
湍天意固有屬誰能詰其端願辱太守薦得充諫諍
官排雲叫閭闔披腹呈琅玕致君豈無術自進誠獨
韓昌黎詩集卷之二畢

韓昌黎詩集卷之三

明古郡後學歐陽景編校

五言古詩

洞庭湖阻風贈張十一署

十月陰氣盛北風無時休蒼茫洞庭岬與子維雙舟
霧雨晦爭泄波濤怒相投犬雞斷四聽糧絕誰與謀
相去不容步險如礙山丘清談可以飽夢想接無由
男女喧左右飢啼但啾啾非懷北歸興何用勝羈愁
雲外有白日寒光自悠悠能令暫開霽過是吾無求
青青水中蒲三首

青青水中蒲，下有一雙魚。君今上隴去，我在與誰居。
青青水中蒲，長在水中居。寄語浮萍草，相隨我不如。
青青水中蒲，葉短不出水。婦人不下堂，行子在萬里。

孟東野失子 并序

東野連產三子，不數日輒失之。幾老念無後，以悲其友人昌黎韓愈懼其傷也，推天假其命以喻之。失子將何尤？吾將上尤天女實主，下人與奪，一何偏彼于女，何有乃令蕃且延？此獨何罪？辜生歿旬日間，上呼無時聞，滴地淚到泉。地祇爲之悲，瑟縮久不安。乃呼大靈龜，騎雲款天門，問天主，下人薄厚，胡不均。

天曰：天地人由來不相關，吾懸日與月，吾繫星與辰，日月相噬嚙，星辰踏音而顛，吾不女之罪，知非女由因。且物各有分，孰能使之然？有子與無子，禍福未可原。魚子滿母腹，一一欲誰憐。細腰不自乳，舉族以孤鰥。鴟梟啄母腦，母歿子始翻。蝮蛇生子時，坼裂腸與肝。好子雖云好，未還恩與勤。惡子不可說，鴟梟蝮蛇然。有子且勿喜，無子固勿歎。上聖不待教，賢聞語而遷。下愚聞語惑，雖教無由悛。大靈頓頭受，卽日以命還。地祇謂大靈女，往告其人。東野夜得夢，有夫玄衣巾，闖音然入其戶，三稱天之言，再拜謝玄夫。收悲以

懽忻

縣齋讀書

出宰山水縣讀書松桂林蕭條捐末事邂逅得初心
哀狔醒俗耳清泉潔塵襟詩成有共賦酒熟無孤斟
青竹時默釣白雲日悠尋南方本多毒北客恒懼侵
適譴甘自守滯留愧難任投章類縞帶佇荅逾兼金

新竹

筍添南堦竹日日成清閥縹節已儲霜黃苞猶揜翠
出欄抽五六當尸羅三四高標陵秋嚴貞色奪春媚
稀生巧補林併出疑爭地縱橫乍依行爛熳忽無次

風枝未飄吹露粉先涵淚何人可攜翫清景空瞪視

晚菊

少年飲酒時踴躍見菊花今來不復飲每見恒咨嗟
佇立摘滿手行行把歸家此時無與語棄置奈悲何

落齒

去年落一牙今年落一齒俄然落六七落勢殊未已
餘存皆動搖盡落應如止憶初落一時但念豁可恥
及至落二三始覺義即死每一將落時慄慄恒在已
义牙妨食物顛倒怯漱水終焉捨我落意與崩山比
今來落既熟見落空相似餘存二十餘次第知落矣

儻常歲落一自足支兩紀如其落併空與漸亦同指
人言齒之落壽命理難恃我言生有涯長短俱必爾
人言齒之豁左右驚諦視我言莊周云水雁各有喜
語訛默固好嚼廢軟還美因歌遂成詩時用詫妻子
哭楊兵部凝陸歙州參

人皆期七十纔半豈蹉跎併出知己淚自然白髮多
晨興爲誰慟還坐久滂沱論文與晤語已矣可如何
苦寒

四時各平分一氣不可兼隆冬奪春序顛項固不廉
太昊弛維綱畏避但守謙遂令黃泉下萌芽天勾尖

木不復抽百味失苦甜凶飈攪宇宙鉞刃甚割破

音邊日月雖云尊不能活烏蟾羲和送日出恒怯頻窺

現切痲廉炎帝持祝融呵噓不相炎而我當此時恩光

何由沾肌膚生鱗甲衣被如刀鏹氣寒鼻莫歟血凍
指不拈濁醪涕入喉口角如銜箝將持匕箸食觸指
如排籤侵鑪不覺暖熾炭屢已添探湯無所益何況
續與縑虎豹僵穴中蛟螭歿幽潛熒惑喪纏次六龍
冰脫髯芒屨謁大苞內生類恐盡殲啾啾窻間雀不
知已微纖舉頭仰天鳴所願晷刻淹不如彈射久却
得親魚燂鸞鳳苟不存爾固不在占其餘蠢動儔俱

誰恩嫌伊我稱最靈不能女履苦悲哀憤歎五
藏難安恬中宵倚牆立淫淚何漸漸音尖天王哀無辜
惠我下顧瞻寒旒去耳續調和進梅鹽賢能日登御
黜彼傲與憚生風吹火氣豁達如寒簾懸乳零落墮
晨光入前簷雪霜頓消釋土脉膏且黏豈徒蘭蕙榮
施及艾與藁日夢行鑠鑠風條坐檐檐音處切天平苟
其能吾灰意亦厭

崔十六少府攝伊陽以詩及書見投因酬三十

韻

崔君初來時相識頗未慣但聞赤縣尉不比博士優

賃屋得連牆往來忻莫間我時亦新居觸事苦難辦
蔬殮要同喫破襖請來綻謂言安堵後貸借音迹更何
患不知孤遺多舉族仰薄宦有時未朝餐得米日已
晏隔牆聞謹呼眾口極鶩鴈前計頓垂張居然見真
贗嬌兒好眉眼袴脚凍兩胛音下切晏捧書隨諸兄累累
音雷切兩角巾音古患切冬惟茹寒壑秋始識瓜瓣問之不言
饑飮若厭芻豢才名三十年久合居給諫白頭趨走
裏閉口絕謗訕府公舊同袍拔擢宰山澗寄詩雜詼
俳音步皆切有類說鵬鷄上言酒味酸冬衣竟未撥音患下
言人吏稀惟足彪與彪音棧又言致豬鹿此語乃善幻

三年國子師腸肚習藜藿况住洛之涯音房鮪音才本

可罩汕音諳官效屠門嚼久嫌弋者篡謀拙日焦拳活

計似鋤刻音產男寒澁詩書妻瘦剝腰襜音盼為官不事

職厥罪在欺謾行當自劾去漁釣老段亂五患切歲窮

寒氣騎冰雪滑磴棧音問難屢通何由覲清盼

送侯叅謀赴河中幕

憶昔初及第各以少年稱君頤始生鬚我齒清如冰

爾時心氣壯百事謂已能一別詎幾何忽如隔晨興

我齒豁可鄙君顏老可憎相逢風塵中相視迭嗟矜

幸同學省官末路再得朋東司絕教授遊宴以為恒

秋漁蔭密樹夜博然明燈雪逕抵樵叟風廊折談僧

陸渾桃花間有湯沸如烝三月崧少步躑躅紅千層

洲沙厭晚坐嶺壁窮晨昇沉冥不計日為樂不可勝

遷滿一已異乖離坐難憑行行事結束人馬何踦其畧

切騰感激生膽勇從軍豈嘗曾泯泯音精司徒公天子

爪與肱提師十萬餘四海欽風稜河北兵未進蔡州

帥新薨曷不請掃除活彼黎與烝鄙夫誠怯弱受恩

愧徒弘猶思脫儒冠棄死取先登又欲面言事上書

求詔徵侵官固非是妄作譴可懲惟當待責免耕斲

歸溝塍音乘今君得所附勢若脫鞴音鉤鷹檄筆無與讓

昌黎詩 卷三
幕謀職其膺收績開史牒翰飛逐漠鵬男兒貴立事
流景不可乘歲老陰沴音辰作雲頽雪翻崩別袖拂落
水征車轉峭陵勤勤酒不進勉勉恨已仍送君出門
歸愁腸若牽繩默坐念語笑癡如遇寒蠅策馬誰可
適晤言誰爲應席塵惜不掃殘樽對空凝信知後會
時日月屢環紉居登切生期理行役歡緒絕難承寄書
惟在頻無恡簡與繒

東都遇春

少年氣真狂有意與春競行逢二三月九州花相映
川原曉服鮮桃李晨妝靚荒乘不知疲醉死豈辭病

飲噉徒感切

惟所便文章倚豪橫爾來曾幾時白髮忽

滿鏡舊游喜乖張新葦足嘲評音病心腸一變化羞見
時節盛得閒無所作貴欲辭視聽深居疑避仇默臥
如當暝朝曦入牖來鳥喚昏不醒爲生鄙計筭鹽米
告屢罄坐疲都忘起冠側懶復正幸蒙東都官獲離
機與穿乖慵遭傲僻漸深生弊性旣去馬能追有來
猶莫聘有舡魏王池往往縱孤泳水容與天色此處
皆綠淨岍剗共紛披渚牙相緯經音徑懷歸苦不果卽
事取幽迸貪求匪名利所得亦已併悠悠度朝昏落
落捐季孟羣公一何賢上戴天子聖謀謨收禹績四

百出雄勁轉輸非不勤稽逋有軍令在庭百執事奉
職各祇敬我獨胡爲哉坐與億兆慶譬如籠中鳥仰
給活性命爲詩告友生負愧終究竟

酬裴十六功曹巡府西驛塗中見寄

相公罷論道聿至活東人御史坐言事作吏府中塵
遂令河南治今古無儔倫四海日富庶道途隘蹄輪
府西三百里候館同魚鱗相公謂御史勞子去自巡
是時山水秋光景何鮮新哀鴻鳴清耳宿霧塞高岑
遺我行旅詩軒軒有風神譬如黃金盤照耀荆璞真
我來亦已幸事賢友其仁持竿洛水側孤坐屢窮辰
多才自勞苦無用祇因循辭免期匪遠行行及山春
燕河南府秀才

吾皇紹祖烈天下再太平詔下諸郡國歲貢鄉曲英
元和五年冬房公尹東京功曹上言公是月當登名
乃選二十縣試官得鴻生羣儒負已材相賀簡擇精
怒起簸羽翮引吭吐鏗轟此都自周公文章繼名聲
自非絕殊尤難使耳目驚今者遭震薄不能出聲鳴
鄙夫忝縣尹愧慄難爲情惟求文章寫不敢妬與爭
還家敕妻兒具此煎魚烹柿紅蒲萄紫着果相扶檠
芳茶出蜀門好酒濃且清何能充歡燕庶以露厥誠

昨聞詔書下權公作邦楨文人得其職文道當大行
陰風攪短日冷雨澁不晴勉哉戒徒馭家國遲滯子
榮

送李翱

廣州萬里途山重江逶迤行行何時到誰能定歸期
揖我出門去顏色異恒時雖云有追送足跡絕自茲
人生一世間不自張與施譬如浮江木縱橫豈自知
寧懷別時苦勿作別後思

送石處士赴河陽幕

長把種樹書人云避世士忽騎將軍馬自號報恩子

風雲入壯懷泉石別幽耳鉅鹿師欲老常山險猶特
豈惟彼相憂固是吾徒恥去去事方急酒行可以起

送湖南李正字歸

長沙入楚深洞庭值秋晚人隨鴻雁少江共蒹葭遠
歷歷余所經悠悠子當返孤遊懷耿介旅宿夢婉婉
風土少殊音魚鰕日異飯親交俱在此誰與同息偃
辛卯年雪

元和六年春寒氣不肯歸河南二月末雪花一尺圍

崩騰相排拶

音雜

龍鳳交橫飛波濤何飄揚天風吹旛

旂白帝盛羽衛鬢

音參

鬢沙振裳衣白霓先啓途從以

昌黎詩 卷三
萬玉妃翕翕陵厚載譁譁弄陰機生平未曾見何暇
議是非或云豐年祥飽食可庶幾善禱吾所慕誰言
寸誠微

招揚之罟

柏生兩石間萬歲終不大野馬不識人難以駕車蓋
柏移就平地馬羈入廐中馬思自由悲柏有傷根容
傷根柏不死千丈日以至馬悲罷還樂振迅幹鞍轡
之罟音南山來文字得我驚館置便讀書日有求歸
聲我令之罟歸失得柏與馬之罟別我去計出柏馬
下我自之罟歸入門思而悲之罟別我去能不思我
為灑掃縣中居引水經竹間囂譁所不及何異山中
間前陳百家書食有肉與魚先王遺文章綴緝實在
余禮稱獨學陋易貴不遠復作詩招之罟晨夕抱饑
渴

送無本師歸范陽

無本於為文身大不及膽吾嘗示之難勇往無不敢
蛟龍弄角牙造次欲手攬衆鬼囚大幽下覩襲玄宮
音啖天陽熙四海注視首不領鯨鵬相摩宰音速兩舉快
一噉夫豈能必然固已謝黠烏敢黠音啖狂詞肆滂葩
低昂見舒慘姦窮怪變得往往造平澹蜂蟬碎錦纈

綠池披菡萏芝英擢荒蕪孤翮起連茨上敢家住幽
都遠未識氣先感來尋吾何能無殊嗜昌歎但感始
見洛陽春桃枝綴紅糝遂來長安里時卦轉習坎老
懶無關心久不事鈔槩欲以金削酬舉室常頗音頷
念當委我去霜雪刻以懜獰颺攪空衢天地與頓撼
勉率吐歌詩尉女別後覽

雙鳥詩

雙鳥海外來飛飛到中州一鳥落城市一鳥集巖幽
不得相伴鳴爾來三千秋兩鳥各閉口萬象銜口頭
春風卷地起百鳥皆飄浮兩鳥忽相逢百口鳴不休
有耳聒皆聾有口反自羞百舌舊饒聲從此恒低頭
得病不呻喚泯默至歿休雷公告天公百物須膏油
自從兩鳥鳴聒亂雷聲收鬼神怕嘲咏造化皆停留
草木有微情挑挾於說示九州蟲鼠誠微物不堪苦
誅求不停兩鳥鳴百物皆生愁不停兩鳥鳴自此無
春秋不停兩鳥鳴日月難旋轉不停兩鳥鳴大法失
九疇周公不爲公孔丘不爲丘天公怪兩鳥各捉一
處囚百蟲與百鳥然後鳴啾啾兩鳥旣別處閉聲省
愆尤朝食千頭龍暮食千頭牛朝飲河生塵暮飲海
絕流還當三千秋更起鳴相酬

題炭谷湫祠堂

萬生都陽明幽暗鬼所寰嗟龍獨何智出入人鬼間
不知誰爲助若執造化關厭處平地水巢居插天山
列峰若攢指石盂仰環環巨靈高其捧保此一掬怪
森沈固含蓄本以儲陰奸魚鼈蒙擁護羣嬉傲天頑
翱翔音棲託禽飛飛一何閒祠堂像侔真擢玉紆煙
鬢羣怪儼伺候恩威在其顏我來日正中悚惕思先
還寄立尺寸地敢言來途艱吁無吹毛刃血此牛蹄
殷烏開切至今乘水旱鼓舞寡與鯁林叢鎮冥冥窮年
無由刪妍英雜豔實星瑣黃朱班石級皆險滑顛躋
莫牽攀龍區雛衆碎付與宿已頌棄去可柰何吾其
死茅菅奸音

送陸暢歸江南

舉舉江南子名以能詩聞一來取高第官佐東宮軍
迎婦丞相府誇映秀士羣鸞鳴桂樹間觀者何繽紛
人事喜顛倒旦夕異所云蕭蕭青雲幹遂逐荆棘焚
歲晚鴻鴈過鄉思見新文踐此秦關雪家彼吳州雲
悲啼上車女骨肉不可分感槩都門別丈夫酒方醺
我實門下士力薄蚋與蚊受恩不卽報永負湘中墳
送進士劉師服東歸

猛虎落檻穿坐食如孤狔音豚丈夫在富貴豈必守一
門公心有勇氣公口有直言奈何任埋沒不自求騰
軒僕本亦進士頗嘗究根源由來骨鯁材喜被軟弱
吞低頭受侮笑隱忍碑音律兀寃泥雨城東路夏槐作
雲屯還家雖闕短指日親晨殮携持令名歸自足貽
家尊時節不可翫親交可攀援勉來取金紫勿久休
中園

嘲曾連子

曾連細而黠有似黃鵠音子田巴兀老蒼憐汝矜爪
嘴開端要驚人雄跨吾厭矣高拱禪鴻聲若輟一杯
水獨稱唐虞賢顧未知之耳

贈張籍

吾老嗜讀書餘事不掛眼有兒雖甚憐教示不免簡
君來好呼出跟音郎躡音躡越門限懼其無所知見則先
愧赧昨因有緣事上馬插手版留君住廳食使立侍
盤餞薄暮歸見君迎我笑而莞指渠相賀言此是萬
金產吾愛其風骨粹美無可揀試將詩義授如以肉
貫音產弗音開祛露毫末自得高蹇嗟我身蹈丘軻爵位
不早縮固宜長有人文章紹編刻感荷君子德悅若
乘朽棧召令吐所記解摘了瑟憫顧視窻壁間親戚

競覘鸞音滿喜氣排寒冬逼耳鳴睨睨如今更誰恨便
可畊灞滄

調張籍

李杜文章在光焰萬丈長不知羣兒愚那用故誇傷
蚍音浮蛄音撼大樹可笑不自量伊我生其後舉頸遙
相望夜夢多見之晝思反微茫徒觀斧鑿痕不矚治
水航想當施手時巨刃磨天揚垠崖劃崩豁乾坤擺
雷碾惟此兩夫子家居率荒涼帝欲長吟哦故遣
且僵翦翎送籠中使看百鳥翔平生千萬篇金蓮
琳琅僊官敕六丁雷電下取將流落人間者太山一

豪芒我願生兩翅捕逐出入荒精誠忽交通百怪入
我腸刺音七手拔鯨牙舉瓢酌天漿騰身跨汗漫不著
織女襄顧語地上友紅營無太忙乞君飛霞珮與我
高頡頏

寄皇甫湜

敲門驚晝睡問報睦州吏手把一封書上有皇甫字
拆書放牀頭涕與淚垂四昏昏還就枕惘惘夢相值
悲哉無竒術安得生兩翅

病中贈張十八

中虛得暴下避冷卧北牕不蹋曉鼓朝安眠聽逢逢

音籍也處閭里抱能未施邦文章自娛戲金石日擊
 撞龍文百斛鼎筆力可獨扛談舌久不掉非君亮誰
 雙扶几導之言曲節初縱縱音窓半塗喜開鑿派別失
 大江吾欲盈其氣不令見麾幢牛羊滿田野解旆束
 空杠傾罇與斟酌四壁堆罌缸玄帷隔雪風照鑪釘
 音定明缸夜闌縱押音擺闔哆昌者切口踈眉厖勢侔高陽
 翁坐約齊橫降音杭連日挾所有形軀頓降音滂缸許江切
 將歸乃徐謂子言得無咤音厖迴軍與角逐斫收窮
 麗雌殼吐款要酒壺綴羊腔君乃崑崙渠籍乃領頭
 龍音那譬如蟻蛭微詎可陵音腔峴音峴五江幸願終賜之

韓昌黎詩集卷之四

明吉郡後學歐陽景編校

五言古詩

寄崔二十六立之

西城員外丞心跡兩屏

在歲戰詞賦不將勢力隨

下驢入省門左右驚紛披傲入坐試席深叢見孤罷

文如翻水成初不用意為四座各低面不敢捩音眼

窺升階揖侍郎歸舍日未歆佳句喧衆口考官敢瑕

玼連年收科第若摘頷底髭迴首卿相位通途無他

岐豈論校書郎袍笏光參差童稚見稱說祝身得如

斯儕輩妬且熱喘如竹筒吹老婦願嫁女約不論財
貲老翁不量分累月咎其兒攪攪爭附託無人角雄
雌由來人間事翻覆不可知安有巢中鷲音寇插翅飛
天陞駒驎音迷著爪牙猛虎借與皮汝頭有韁繫汝脚
有索縻陷身泥溝間誰復稟指撝不脫吏部選可見
偶與奇又作朝士貶得非命所施客居京城中十日
營一炊逼迫走巴巒恩愛座上離昨來漢水頭始得
完孤羈音楛掛新衣裳益棄食殘糜苟無饑寒苦那
用分高卑憐我還好古宦途同險巇每旬遺我書竟
歲無差池新篇奚其思風幡肆逶迤又論諸毛功劈

水看蛟螭雷電生

音閃賜音釋角鬣相撐掖屬我感窮

景抱華不能摘唱來和相報愧歎俾我疵又寄百尺
綵緋紅相盛衰巧能喻其誠深淺抽肝脾開展放我
側方餐涕垂匙朋交日凋謝存者逐利移子寧獨迷
誤綴綴意益彌舉頭庭樹豁狂飈卷寒曦迢遞山水
隔何由應填筮別來就十年君馬記駟驪長女當及
事誰助出悅竊諸男皆秀朗幾能守家規文字銳氣
在輝輝見旌麾摧腸與感容能復持酒卮我雖未耄
老髮禿骨力羸所餘十九齒飄飄盡浮危玄花著兩
眼視物隔襪音節離音商燕席謝不詣游鞍懸莫騎敦敦

音 惟凭書案譬彼鳥黏鵲音且吾聞之師不以物自隳

孤豚眠糞壤不慕太廟犧君看一時人幾輩先騰馳

過半黑頭灰陰蟲食枯骹音歡華不滿眼咎責塞兩

儀觀名計之利詎足相陪裨仁者耻貪冒受祿量所

宜無能食國惠豈異哀癘罷音久欲辭謝去休令眾

睢睢音况又嬰疹疾寧保軀不貲不能前死罷內實

慚神祇舊籍在東都茅屋枳棘籬還歸非無指灞渭

揚春漸生今耕吾疆歿也埋吾陂文書自傳道不仗

史筆垂夫子固吾黨新恩釋銜鞚去來伊洛上相待

安鼠音箠音我有雙飲觥其銀得朱音提音黃金塗

物象雕鑪妙工倂乃令千里鯨么麼微螽斯猶能爭

明月擺掉出渺瀰野草花葉細不辯蕢音菜音菘音施音

縣縣相糾結狀似環城陴四隅芙蓉樹擢豔皆猗猗

鯨以興去聲君身失所逢百罹月以喻夫道僂勉勵莫

虧草木明覆載妍醜齊榮萎願君恒御之行止雜燧

觸異日期對舉當如合分支

孟生詩

孟生江海士古貌又古心嘗讀古人書謂言古猶今

作詩三百首宵默咸池音騎驢到京國欲和薰風琴

豈識天子居九重鬱沈沈一門百夫守無籍不可尋

晶光蕩相射旗戟翩以森遷延乍却走驚怪靡自任
舉頭看白日泣涕下霑襟揭來遊公卿莫肯低華簪
諒非軒冕族應對多差參萍蓬風波急桑榆日月侵
柰何從進士此路轉嶮嶽音異質忌處羣孤芳難寄
林誰憐松桂性競愛桃李陰朝悲辭樹葉夕感歸巢
禽顧我多慷慨窮簷時見臨清宵靜相對髮白聆苦
吟採蘭起幽念眇然望東南秦吳脩且阻兩地無數
金我論徐方牧好古天下欽竹實鳳所食德馨神所
歆求觀衆丘小必上泰山岑求觀衆流細必泛滄溟
深子其聽我言可以當所箴旣獲則思返無爲久滯

淨卞和試三獻期子在秋砧

將歸贈孟東野房蜀客

君門不可入勢利互相推借問讀書客胡爲在京師
舉頭未能對閉眼聊自思倏忽十六年終朝苦寒饑
宦途竟寥落鬢髮坐差池潁水清且寂箕山坦而夷
如今便當去咄咄無自疑

答孟郊

規模背時利文字覩天巧人皆餘酒肉子獨不能飽
纔春思已亂始秋悲又攪朝餐動及午夜諷恒至卯
名聲暫羶腥腸肚鎮煎爍音古心雖自鞭世路終難

昌黎詩 卷四
拘弱拒喜張臂猛挈閒縮爪見倒誰肯扶從嗔我須
齧

從仕

居閒食不足從仕力難任兩事皆害性一生恒苦心
黃昏歸私室惆悵起歎音棄置人間世古來非獨今

送劉師服

夏半陰氣始浙然雲景秋蟬聲入客耳驚起不可留
草草具盤饌不待酒獻酬士生爲名累有似魚中鈎
齋財入市賣貴者恒難售音響豈不畏顛顛爲功忌中
休勉哉耘其業以待歲晚收

符讀書城南

木之就規矩在梓匠輪輿人之能爲人由腹有詩書
詩書勤乃有不勤腹空虛欲知學之力賢愚同一初
由其不能學所入遂異間兩家各生子提孩巧相如
少長聚嬉戲不殊同隊魚年至十二三頭角稍相疎
二十漸乖張清溝映汗渠三十骨骼成乃一龍一豬
飛黃騰踏去不能顧蟾蜍一爲馬前卒鞭背生蟲蛆
一爲公與相潭潭府中居問之何因爾學與不學歟
金璧雖重寶費用難貯儲學問藏之身身在則有餘
君子與小人不繫父母且切魚不見公與相起身自

昌黎言 卷四 五
犁鋤不見三公後寒饑出無驢文章豈不貴經訓乃
菑畲音黃瀆無根源朝滿夕已除人不通古今馬牛
而襟裾行身陷不義況望多名譽時秋積雨霽新涼
入郊墟燈火稍可親簡編可卷舒豈不旦夕念爲爾
惜居諸恩義有相奪作詩勸躊躇

示爽

宣城去京國里數逾三千念汝欲別我解裝具盤筵
日昏不能散起坐相引牽冬夜豈不長達旦燈燭燃
座中悉親故誰肯捨汝眠念汝將一身西來曾幾年
名科擯衆俊州考居吏前今從府公召府公又時賢
時輩千百人孰不謂汝妍汝來江南近里閭故依然
昔日同戲兒看汝立路邊人生但如此其實亦可憐
吾老世味薄因循致留連強顏班行內何實非罪愆
才短難自力懼終莫洗湔音箋臨分不汝誑有路卽歸
田

人日城南登高

初正候纔兆涉七氣已弄靄靄野浮陽暉暉水披凍
聖朝身不廢佳節古所用親交旣許來子姝亦可從
盤蔬冬春雜罇酒清濁共令徵前事爲觴詠新詩送
扶杖凌圯吐刺船犯枯葑方用切戀池羣鴨迴釋嶠孤

雲縱人生本坦蕩誰使妄倥音德音德直指桃李闌幽
尋寧止重

病鴟

屋東惡水溝有鴟墮鳴悲青泥揜兩翅拍拍不得離
羣童叫相召瓦礫爭先之計校生平事殺却理亦宜
奪攘不愧耻飽滿盤天嬉晴日占光景高風送追隨
遂凌紫鳳羣肯顧鴻鵠卑今者命運窮遭逢巧丸兒
中汝要害處汝能不得施於吾乃何有不忍乘其危
巧汝將歿命浴以清水池朝餐較魚肉瞑宿防狐狸
自知無以致蒙德久猶疑飽入深竹叢饑來傍階基
亮無責報心固以聽所為昨日有氣力飛跳弄藩籬
今晨忽徑去曾不報我知僥倖非汝福天衢汝休窺
京城事彈射豎子豈易欺勿諱泥坑辱泥坑乃良規

讀皇甫湜公安園池詩書其後二首

晉人目二子其猶吹一吷音嶠區區自其下顧肯挂牙
舌春秋書王法不誅其人身爾雅注蟲魚定非磊落
人湜也困公安不自閒窮年枉智思倚撫糞壤汗穢
豈有臧誠不如兩忘但以一槩量

我有一池水蒲葦生其間蟲魚沸相嚼日夜不得閒
我初往觀之其後益不觀觀之亂我意不如不觀完

用將濟諸人捨得業孔顏百年詎幾時君子不可閒

路傍堠

堆堆路傍堠

音后

一雙復一隻迎我出秦關送我入楚

澤千以高山遮萬以遠水隔吾君勤聽治照與日月
敵臣愚幸可哀臣罪庶可釋何當迎送歸緣路高歷

歷

食曲河驛

晨及曲河驛悽然自傷情羣鳥巢庭樹孔雀飛簷楹
而我抱重罪子子萬里程親戚頭乖角圖史棄縱橫
下負明義重上孤朝命榮殺身諒無補何用答生成

過南陽

南陽郭門外桑下麥青青行子去未已春鳩鳴不停
秦商邈既遠湖海浩將經孰忍生以感吾其寄餘齡

瀧吏

南行逾六旬始下昌樂瀧音雙險惡不可狀船石相舂
撞往問瀧頭吏潮州尚幾里行當何時到土風復何
似瀧吏垂手笑官何問之愚譬官居京邑何由知東
吳東吳遊宦鄉官知自有由潮州底處所有罪乃竄
流儂幸而負犯何由到而知官今行自到那遽妄問
爲不虞卒見困汗出愧且駭吏曰聊戲官儂嘗使往

罷嶺南大抵同官去道苦遼下此三千里有州始名
潮惡溪瘴獨聚雷電常洶洶鱷魚大於船牙眼怖殺
儂州南數十里海無天地颶音具風有時作掀簸真
差去聲事聖人於天下於物無不容比聞此州囚亦有
生還儂官無嫌此州固罪人所徙官當明時來事不
待說委官不自謹慎宜卽引分往胡爲此水邊神色
久懍慌旆言大餅髻小所任自有宜官何不自量滿
溢以取斯工農雖小人事業各有守不知官在朝有
益國家不得無虱其間不武亦不文仁義飾其躬巧
姦敗羣倫叩頭謝吏言始慚今更羞歷官二十餘國
恩並未酬凡吏之所訶嗟實頗有之不卽金木誅敢
不識恩私潮州雖云遠雖惡不可過於身實已多敢
不持自賀

贈別元十八協律六首

知識久去眼吾行其旣遠魯魯莫訾省默默但寢飯
子兮何爲者冠珮立憲憲何氏之從學蘭蕙已滿碗
於何翫其光以至歲向晚治惟尚和同無俟於蹇蹇
或師絕學賢不以藝自輓子兮獨如何能自媚婉婉
金石出聲音宮室發關楗何人識章甫而知駿蹄踠
切於阮惜乎吾無居不得留息偃臨當背面時裁詩示

繼緒

英英桂林伯實惟文武特遠勞從事賢來弔逐臣色
南裔多山海道里屢紆直風波無程期所憂動不測
子行誠艱難我去未窮極臨別且何言有淚不拭
吾友柳子厚其人藝且賢吾未識子時已覽贈子篇
寤寐想風采於今已三年不意流竄路旬日同食眠
所聞昔已多所得今過前如何又須別使我抱惻惻
勢要情所重排斥則埃塵骨肉未免然又况四海人
疑疑桂林伯矯矯義勇身生平所未識待我逾交親
遺我數幅書繼以藥物珍藥物防瘴癘書勸養形神

不知四罪地豈有再起辰窮途致感激肝膽還

困輪

讀書患不多思義患不明患足已不學既學患不行
子今四美其實大華亦榮王官不可闕未宜後諸生
嗟我擯南海無由助飛鳴

寄書龍城守君驥何時秣峽山逢颶風雷電助撞捽

昨沒

乘潮簸扶胥近岸指一髮兩巖雖云牢水石牙

飛發屯門雖云高亦映波浪沒余罪不足惜子生未
宜忽胡爲不忍別感謝情至骨

初南食貽元十八協律

鯨音實如惠文骨眼相負行豪音相黏爲山百十各

自生蒲魚尾如蛇口眼不相營蛤卽是蝦蟇同實浪
異名章舉馬甲柱鬪以怪自呈其餘數十種莫不可
歎驚我來禦魑魅自宜味南烹調以鹹與酸芼音以
椒與橙腥臊始發越咀吞面汗駢音星惟蛇舊所識實
憚口眼猙開籠聽其去鬱屈尚不平賣爾非我罪不
屠豈非情不祈靈珠報幸無嫌怨并聊歌以記之又
以告同行

宿曾江口示姪孫湘二首

雲昏水奔流天水泝相圍三江滅無口其誰識涯圻
暮宿投民村高處水半扉犬雞俱上屋不復走與飛

九入其家暝聞屋中啼問知歲常然哀此為

海風吹寒晴波揚衆星輝仰視北斗高不知路所歸
舟行亡故道屈曲高林間林間無所有奔流但潺潺
嗟我亦拙謀致身落南蠻茫然失所詣無路何能還

答柳州食蝦蟇

蝦蟇雖水居木特變形貌強號為蛙蛤於實無所校
雖然兩股長其柰脊音發炮音咆跳躑雖云高意不離
潭音倭淖音開鳴聲相呼和無理只取鬧周公所不堪灑
灰垂典教我棄愁海濱恒願眠不覺音教叵堪朋類多
沸耳作驚爆音豹端能敗笙磬仍工亂學校雖蒙句踐

禮竟不聞報效大戰元鼎年孰強孰敗橈居然當鼎
味豈不辱釣罟余初不下喉近亦能稍稍常懼染蠻
夷失平生好樂而君復何爲甘食比豢豹獵較務同
俗全身斯爲孝哀哉思慮深未見許廻權

別趙子

我遷於揭陽君先揭陽居揭陽去京華其里萬有餘
不謂小郭中有子可與娛心平而行高兩通詩與書
婆娑海水南簸弄明月珠及我遷宜春意欲攜以俱
擺頭笑且言我豈不足歟又奚爲於北往來以紛如
海中諸山中幽子頗不無相期風濤觀已久不可渝
又嘗疑龍蝦果誰雄牙鬚蚌羸魚鼈蟲瞿瞿以狙狙
識一已忘十大同細自殊欲一窮究之時歲屢謝除
今子南且北豈非亦有圖人心未嘗同不可一理區
宜各從所務未用相賢愚

除官赴闕至江州寄鄂岳李大夫

盆城去鄂渚風便一日耳不枉故人書無因帆江水
故人辭禮闈旌節鎮江圻而我竄逐者龍鍾初得歸
別來已三歲望望長迢遞咫尺不相聞平生那可計
我齒落且盡君鬢白幾何年皆過半百來日苦無多
少年樂新知哀暮思故友譬如親骨肉寧免相可不

我昔實愚蠢不能降色辭子犯亦有言臣猶自知之
公其務音世過我亦請改事桑榆儻可收願寄相思
字

南山有高樹行贈李宗閔

南山有高樹花葉何衰衰上有鳳皇巢鳳皇乳且棲
四旁多長枝羣鳥所托依黃鵠據其高衆鳥接其卑
不知何山鳥羽毛有光輝飛飛擇所處正得衆所希
上承鳳皇恩自期永不衰中與黃鵠羣不自隱其私
下視衆鳥羣汝徒竟何爲不知挾九子心默有所規
彈汝枝葉間汝翅不覺摧或言由黃鵠黃鵠豈有之

慎勿猜衆鳥衆鳥不足猜無人語鳳皇汝屈安得知
黃鵠得汝去婆娑弄毛衣前汝下視鳥各議汝瑕疵
汝豈無朋匹有口莫肯開汝落蒿艾間幾時復能飛
哀哀故山友中夜思汝悲路遠翅翎短不得持汝歸

猛虎行

猛虎雖云惡亦皆有匹儕羣行深谷間百獸望風低
身食黃熊父子食赤豹麝擇肉於熊豹肯視兔與狸
正晝當谷眠眼有百步威自矜無當對氣性縱以乖
朝怒殺其子暮還食其妃匹儕四散走猛虎還孤棲
狐鳴門兩旁烏鵲從噪之出逐猴入居虎不知所歸

誰云猛虎惡中路正悲啼豹來銜其尾熊來攫其頤
猛虎死不辭但慚前所為虎坐無助死况如汝細微
故當結以信親當結以私親故且不保人誰信汝為
山南鄭相公樊員外酬答為詩其末咸有見及
語樊封以示愈依賦十四韻以獻

梁維西南屏山厲水刻屈稟生肖勦音剛難諧在民
物榮公鼎軸老烹幹力健倔渠勿切帝咨女子往牙纛
前全切蒲悶音佛威風挾惠氣蓋壤兩靡拂茫漫華黑
間指畫變况歛音忽誠既富而美章彙霍炳蔚日延講
大訓龜判錯袞散樊子坐賓署演孔刮老佛金春撼

玉應厥臭劇蕙鬱遺我一言重跪受惕齋慄辭慳義
卓濶呀虛加切豁夜培音窟掘如新去取聒雷霆逼颺颺
于筆切綴此豈為訓俚言紹莊屈

奉和武相公鎮蜀時詠使宅韋太尉所養孔雀
穆穆鸞鳳友何年來止茲飄零失故態隔絕抱長思
翠角高獨聳金華煥相差坐蒙恩顧重卑命守堦堦
感春三首

偶坐藤樹下暮春下旬間藤陰已可庇落葉還漫漫
疊疊新葉大瓏瓏晚花乾青天高寥寥兩蝶飛翻翻
時節適當爾懷悲自無端

昌黎詩集卷之五
黃黃蕪菁花桃李事已退狂風斂枯榆狼籍九衢內
春序一如此汝顏安足賴誰能駕飛車相從觀海外
晨遊百花林朱朱兼白白柳枝弱而細懸樹垂百尺
左右同來人金紫貴顯劇嬌童爲我歌哀響跨箏笛
艷姬蹋筵舞清眸列劍戟心懷平生友莫一在燕席
成者長眇芒生者困乖隔少年真可喜老大百無益

韓昌黎詩集卷之五

明吉郡後學歐陽景編校

五言古詩

早赴街西行香贈盧李二中舍人

天街東西異祗命遂成游月明御溝曉蟬吟堤樹秋
老僧情不薄僻寺境還幽寂寥二三子歸騎得相收
晚寄張十八助教周郎博士

日暮風景曠出歸偃前簷晴雲如擘絮新月似磨鎌
田野興偶動衣冠情久厭吾生可攜手歎息歲將淹
題張十八所居

君居泥溝上溝濁萍青青蛙謹橋未掃蟬鳴門長扃
名秩後千品詩文齊六經端來問奇字爲我講聲形

和錢七兄盆池所植

翻翻江浦荷而今生在此擢擢菰葉長芳根誰復徙
露渥兩鮮翠風蕩相磨倚但取主人知誰言盆盎是
南內朝賀歸呈同官

薄雲蔽秋曦清雨不成泥罷賀南內衙歸涼曉淒淒
綠槐十二街渙散馳輪蹄余惟斲書生孤身無所齎
三黜竟不去致官九列齊豈惟一身榮佩玉冠簪犀
混蕩天門高著籍朝厥妻文才不如人行又無町畦

問之朝廷事略不知東西况於經籍深豈究端與倪
君恩太山重不見酬稗稊所職事無多又不自提撕
明庭集孔鸞曷取於鳧鷖樹以松與栢不宜間蒿藜
婉變自媚好幾時不見擠貪食以忘軀渺不調鹽醢
法吏多少年磨淬出角圭將舉汝愆尤以爲已階梯
收身歸關東期不到死迷

朝歸

峨峨進賢冠耿耿水蒼佩服章豈不好不與德相對
顧影聽其聲頰顏汗漸背進乏犬雞效又不勇自退
坐食取其肥無堪等聳贖長風吹天墟秋日萬里曬

抵暮但昏眠不成歌慷慨

雜詩四首

朝蠅不須驅暮蚊不可拍蠅蚊滿八區可盡與相格
得時能幾時與汝恣啖昨涼風九月到掃不見

鵲鳴聲楂楂鳥噪聲獲獲爭鬪庭宇間持身博彈射

黃鵠能忍饑兩翅久不擘蒼蒼雲海路歲晚將

截椽爲構榼斲楹以爲椽束蒿以代之小大不相權

雖無風雨災得不覆且顛解轡棄騏驎寒驢鞭使前

崑崙高萬里歲盡道苦遭停車臥輪下絕意於

雀鳴朝管食鳩鳴暮覓羣獨有知時鶴雖鳴不緣身

蟬終不鳴有抱不列陳蛙黽鳴無調閣閣祇亂人

讀東方朔雜事

嚴嚴王母宮下維萬仙家噫欠爲飄風濯手大雨沱

方朔乃豎子驕不加禁訶偷入雷電室

狂車王母聞以笑衛官助呀呀不知萬萬人生身埋

泥沙皴頓五山路音鮪流漂八維蹉曰吾見可憎柰此

狡獪何方朔聞不喜褫身絡蛟蛇瞻栢北斗柄兩手

自相按音難羣仙急乃言曰犯庸不科向觀睥睨處事

在不可赦音奢欲不布露言外口實誼譁王母不得已

顏頰口齋嗟頷頭可其奏送以紫玉珂方朔不懲創

挾恩更矜誇詆欺劉天子正晝溺奴_切甲殿衙一旦不
辭訣攝身凌蒼霞

譴瘧鬼

屑屑水帝竄謝謝無餘輝如何不肖子尚奮瘧鬼威
乘秋作寒熱翁媪所罵譏求食歐泄間不知臭穢非
醫師加百毒熏灌無停機灸師施艾炷酷若獵火圍
詛師毒口牙舌作霹靂飛符師弄刀筆丹墨交橫揮
咨汝之胄出門戶何巍巍祖軒而父頊未沫於前徽
不修其操行賤薄似汝稀豈不忝厥祖覩然不知歸
湛湛江水清歸居安汝妃清波爲裳衣白石爲門畿

呼吸明月光手掉芙蓉旂降集隨九歌飲芳而食菲

贈汝以好辭出汝去莫違

歐古
嘔字

示兒

始我來京師止攜一束書辛勤三十年以有此屋廬
此屋豈爲華於我自有餘中堂高且新四時登牢蔬
前榮饌賓親冠婚之所於庭內無所有高樹八九株
有藤婁_音絡之春華夏陰敷東堂坐見山雲風相吹
噓松果連南亭外有瓜芋區西偏屋不多槐榆翳空
虛山鳥旦夕鳴有類澗谷居士婦治北堂膳服適戚
疎恩封高平君子孫從朝裾開門問誰來無非卿大

夫不知官高卑玉帶懸金魚問客之所爲我冠講唐
虞酒食罷無爲棊槊音以相娛凡此座中人十九持
釣樞又問誰與頻莫與張樊如來過亦無事考評道
精麤蹉蹉音媚學子牆屏日有徒以能問不能其蔽
豈可祛嗟我不脩飾事與庸人俱安能坐如此比肩
於朝儒詩以示兒曹其無迷厥初

庭楸

庭楸止五株共生十步間各有藤繞之上各相鉤連
下葉各垂地樹顛各雲連朝日出其東我常坐西偏
夕日在其西我常坐東邊當晝日在上我在中央間
仰視何青青上不見纖穿朝暮無日時我且八九旋
濯濯晨露香明珠何聯聯夜月來照之蓓蓓自生煙
我已自頑鈍重遭五楸牽客來尚不見肯到權門前
權門衆所趨有客動百千九牛亡一毛未在多少間
往旣無可顧不往自可憐

翫月喜張十八員外以王六秘書至

前夕雖十五月長未滿規君來晤我時風露渺無涯
浮雲散白石天宇開青池孤質不自憚中天爲君施
翫翫夜遂久亭亭曙將披况當今夕圓又以嘉客隨
惜無酒食樂但用歌嘲爲

和李相公攝事南郊覽物興懷呈一二知舊

燦燦辰角曙亭亭寒露朝川原共澄映雲日還浮飄
上宰嚴祀事清途振華鑣圓丘峻且坦前對南山標
村樹黃復綠中田稼何饒顧瞻想巖谷興歎倦塵囂
惟彼顛瞑者去公豈不遼爲仁朝自治用靜兵以銷
勿憚吐捉勤可歌風雨調聖賢相遇少功德今宣昭

和裴僕射相公假山十一韻

公平真愛山看山日連夕猶嫌山在眼不得着脚歷
枉語山中人句我澗側石有來應公須歸必載金帛
當軒乍駢羅隨勢忽開坼有洞若神剝有巖類天劃
終朝巖洞間歌鼓燕賓戚孰謂衡霍期近在王侯宅
傅氏築已畢磻溪釣何激逍遙功德下不與事相撻
樂我盛明朝於焉傲今昔

與張十八同效阮步兵一日復一夕

一日復一日一朝復一朝祗見有不如不見有所超
食作前日味事作前日調不知久不灰憫憫尚誰要
富貴自繫拘貧賤亦煎焦俯仰未得所一世已解鑣
譬如籠中鶴六翮無所搖譬如兔得蹄何用東西跳
還看古人書復舉前人瓢未知所究竟且作新詩謠
送諸葛覺往隨州讀書

鄴侯家多書插架三萬軸一一懸牙籤新若手未觸
爲人強記覽過眼不再讀偉哉羣聖文磊落載其腹
行年餘五十出守數已六京邑有舊廬不容久食宿
臺閣多官員無地寄一足我雖官在朝氣勢日局縮
屢爲丞相言雖懇不見錄送行過滙水東望不轉目
今子從之游學問得所欲入海觀龍魚矯翮逐黃鵠
勉爲新詩章月寄三四幅

南溪始泛三首

榜舟南山下上上不得返幽事隨去多孰能量近遠
陰沈過連樹藏昂抵橫坂石麤肆磨礪波惡厭牽挽

倚偏岨漁竟就平洲飯點點暮雨飄梢梢新月偃

餘年慄無幾休日愴已晚自是病使然非由取高寒

南谿亦清駛賦至而無檝與舟山農驚見之隨我觀

不休不惟兒童輩或有杖白頭饋我籠中瓜勸我此

淹畱我云以病歸此已頗自由幸有用餘俸置居在

西疇困倉米穀滿未有旦夕憂上去無得得下來亦

悠悠但恐煩里廬時有緩急投願爲同社人雞豚燕

春秋

弱足不能步自宜收朝蹟羸形可與致佳觀去聲安可

擲卽此南坂下久聞有水石拖舟入其間谿流正清

激隨波吾未能峻瀨乍可刺七音鷺起若導吾前飛數
十尺亭亭柳帶沙團團松冠壁歸時還盡夜誰謂非
事役

海水

海水非不廣鄧林豈無枝風波一蕩薄魚鳥不可依
海水饒大波鄧林多驚風豈無魚與鳥巨細各不同
海有吞舟鯨鄧有垂天鵬苟非鱗羽大蕩薄不可能
我鱗不盈寸我羽不盈尺一木有餘陰一泉有餘澤
我將辭海水濯鱗清冷池我將辭鄧林刷羽蒙籠枝
海水非愛廣鄧林非愛枝風波亦常事鱗羽自不宜
我鱗日已大我羽日已脩風波無所苦還作鯨鵬遊
贈崔立之

昔者十日雨子桑苦寒饑夜歌坐空屋不然但自悲
其友名子輿忽然憂且思寒裳觸泥水裹飯往食之
入門相對語天命良不疑好事漆園吏書之存雄辭
千年事已遠二子情可推我讀此篇日正當雨雪時
吾身固已困吾友復何爲薄粥不足裹深泥京難馳
會無子輿事空賦子桑詩

贈族姪

我年十八九壯氣起胸中作書獻雲闕辭家逐秋蓬

歲時易遷次身命多厄窮一名雖云就片祿不足充
今者復何事卑棲寄徐戎蕭條資用盡濩落門巷空
朝眠未能起遠懷方鬱悵擊門者誰子問言乃吾宗
自云有奇術揆妙知天工既往悵何及將來喜還通
期吾語非佞當爲佐時雍

嘲鼾睡二首

澹師晝睡時聲氣一何猥頑颺吹肥脂坑谷相鬼磊
雄哮乍咽絕每發壯益倍有如阿鼻尸長喚忍衆罪
馬牛驚不食百鬼聚相待木枕十字裂鏡面生痍音肥
瘡音壘鐵佛聞皺眉石人戰搖腿孰云天地仁吾欲責

真宰幽尋虱搜耳猛作霹靂翻海太陽不忍明飛御皆
惰怠乍如彭與黥呼冤受俎醢又如圈中虎號瘡兼
吼餒雖令伶倫吹苦韻難可改雖令巫咸招魂爽難
復在何山有靈藥療此願與採

澹公坐臥時長睡無不穩吾嘗聞其聲深慮五藏損
黃河弄瀆瀑梗澀連拙鮫南帝初奮槌鑿竅洩混沌
迥然忽長引萬丈不可忖謂言絕於斯繼出方袞袞
幽幽寸喉中草木森萃音本尊音惜盜賊雖狡猶亡魂敢
窺闔鴻蒙總合雜詭譎騁戾狠乍如鬪呶呶忽若怨
懇懇賦形苦不同無路尋根本何能堙其源惟有土

一畚

辭唱歌

抑逼教唱歌不解看豔詞坐中把酒人豈有歡樂姿
幸有伶者婦腰身如柳枝但令送君酒如醉如憨癡
聲自肉中出使人能透隨復遣慳慳者贈金不皺眉
豈有長直夫喉中聲雌雌君心豈無耻君豈是女兒
君教發直言大聲無休時君教哭古恨不肯復吞悲
乍可阻君意豔歌難可爲

知音者誠希

知音者誠希念子不能別行行天未曉攜手踏明月

送張道士

大匠無棄材尋尺各有施况當營都邑杞梓用不疑
張侯嵩山來面有熊豹姿開口論利害劔鋒白差差
恨無一尺捶爲國笞羌夷詣闕三上書臣非黃冠師
臣有膽與氣不忍死茅茨又不媚笑語不能伴兒嬉
乃著道士服衆人莫臣知臣有平賊策狂童不難治
平其言簡且要陛下幸聽之天空日月高下照理不
遺或是章奏繁裁擇未及斯寧當不埃報歸袖風披
披荅我事不爾吾親屬吾思昨宵夢倚門手取連環
持今日有書至又言歸何時霜天熟柿栗收拾不可

昌黎言 卷五
遲嶺北梁可構寒魚下清伊既非公家州且復還其
私從容進退間無一不合宜時有利不利雖賢欲奚
爲但當勵前操富貴非公誰

送鄭十爲校理

相公倦台鼎分正新邑洛才子富文華校讐天祿閣
壽觴嘉節過歸騎春衫薄鳥哢音弄正交加楊花共紛
泊親交誰不羨去去翔寥廓

韓昌黎詩集卷五終

